



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Cap. III. De personis, quæ emere & vendere, & rebus quæ emi vendique  
possint.

---

[urn:nbn:de:hbz:466:1-73957](#)

(intellige, dum aliunde non adiungunt indicia, unde ad animum usurarium & simulatam emptionem & venditionem arguantur, qualia plura congerunt Menoch. l. 3. pr. sumpt. 122. Berlich. &c. & aliqua refert Reiffenst. b. t. a. n. 289. ex Abb. in c. 5. b. t. & c. illo vos. de pign.) justificari posse ex eo, quod augmentum pretii, quo res emitur, & minus pretium, quod redimitur, vel etiam periculum rei apud emptorem peritura, spes, quod plus valebit postea, quando minori pretio reddenda, vel lucrum emporis cessans, dannum emergens, similesque circumstantiae spei percipiendorum fructuum & quivaleant.

3. Resp. tertio: Licitus est etiam contractus emptionis & venditionis, dum pactum revenditionis apponitur in gratiam utriusque, ita tamen, ut tunc pretium debeat esse majus, quam si in solius venditoris gratiam apponetur pactum; minus vero, quam si fieret sine ullo pacto; cum pactum illud magis gravet emptorem quam venditorem. V. g. si res sine ullo pacto valeret 100. cum pacto in favorem solius venditoris valeat 80. cum pacto in favorem utriusque valeat forte 88. vel 90. ita citato Lessio ubi supra. n. 120. de Lugo loc. cit. num. 202. ubi etiam ait, cavendum à Molina, dum is. d. 377. in fine dicit, per pactum appositum in favorem emporis plus gravari venditorem, quam per pactum appositum in favorem venditoris gravetur empor: quem ostendit fuisse errore calam. Nihilominus Molinam in hoc fecutus est Muller. ad Struv. tit. de leg. commiss. th. 46. lit. C. in fine. Quin etiam advertendum, sententia Lu-

gonis, quā dicit, magis gravari emptorem quam venditorem, fundari in ea ratione, quam afferit ex Jo. Medin. C. de nsur. quæst. ult quod pactum in favorem venditoris facit rem minus valere, quam pactum in favorem solius emporis; quia pars venditori actionem realem contra rem ipsam, ideoque non transferat plenum venditoris dominium in emptorem, quod supra negavimus, nisi forte contrahentes specialiter id expresserint; pactum vero in favorem emporis non pariat actionem realem, sed solum personalem contra venditorem, quā eum obligare potest empor, ad rem redimendam. Quod secundum si diceretur, ut diximus supra de pacto apposito in gratiam venditoris, quod nimis non pariat venditori nisi actionem personalem contra emporum, quā illum obligare potest ad rem sibi revendendam, tale pactum in gratiam utriusque adjectum non magis emporum quam venditorem gravat, sed utriusque pars est ratio. Estque hoc ipsum (intellige, per se loquendo, ita ut si contrahentes alius statuerint, id sit tali contractui cum pacto in gratiam utriusque apposito per accidens,) ut inquit Muller. ex natura correlative, ut quod in uno statuitur, id quoque in altero statutum intelligatur juxta l. ult. C. de indict. viduit. toll. neque, ut ait idem loc. cit. citato pro hoc Carpz. resp. 27. à num. 18. in hoc casu probabilis detus ratio differentia inter emporum & venditorem, cur huic plus licitum sit quam illi, nimis cur potius vi talis pacti venditori concedatur actio realis & rei vindicatio quam empori.

## CAPUT TERTIUM.

De

### Personis quæ emere & vendere, & Rebus, quæ emi vendique possint.

Quæst. 260. Generalis quinam emere ac vendere possint?

**R**esp. Omnes ii validè ac lícite emere & vendere possunt, qui, utpote mentis compotes, consentire, resque suas administrare & alienare possunt, nisi speciali jure prohibeantur celebrare hunc contractum, qui de cætero jure gentium inductus & permisus ob necessitates vita & commercii humani juxta l. 1. ff. de contrah. empe. & axioma Gl. in c. inter corporalia. de translat. Epise. v. non inventur; concessum intelligitur, quod expresse non prohibetur.

Quæst. 261. An & qualiter concessum Clericis aut prohibitum emere & vendere?

1. **R**esp. primò: Indubitatum est primò, clericos non minus ac alios emere & vendere posse ob sui suorumque necessitatem. Item in specie posse illos vendere vinum, triticum aliaque familia ex redditibus suorum beneficiorum; aut ex possessionibus suis patrimonialibus provenientia seu collecta; quia ea non sunt fructus emptionis, sed possessionum eorum. Quin etiam ea mittere vendenda alio, quia ibi pluris valent; cum hoc adhuc censenda non sit negotiatio lucrative de qua

mox. Ita Bonac. Tom. 3. in Bull. Can. d. 1. qu. 19. p. 3. §. 2. n. 9. Delben. de immunit. eccl. c. 5. du. 5. num. 3. &c. Alia quoque exempla, in quibus licitum illis emere & vendere, etiam cum lucro, quin & animo lucrandi vide adducta paulò post.

2. Resp. secundò: De cætero prohibitum clericis & personis ecclesiasticis emere, vel etiam alio contractu & titulo oneroso. V. g. per permutationem res acquirere ea principali intentione, ut eas immutatas carius seu cum lucro vendani; hæc enī est propriè & stricta negotiatio, quæ, etiā alias per se intrinsecè mala non sit, sed indifferens, ut bene vel male exercetur, quin & utilis & necessaria Republica, ut ostendit de Lugo, loc. mox. ciuand. diœtis tamen personis interdicta est. Molin. tr. 2. de just. d. 342. à n. 1. Less. l. 2. de just. c. 21. num. 4. de Lugo, de f. & f. d. 26. f. 3. num. 23. Pirk. ad tit. 50. l. 3. num. 2. aliquam tam Theologi quam Canonistar communiter; pro ut constat ex c. consequens est. dis. 88. c. fin. de vita & honest. cleric. c. secundum ne clerici vel monachi. Quibus textibus sub intermissione anathematis Pontifex prohibet, ne monachi vel clerici causâ lucri negotientur. Idque non tam, quia negotiatio obnoxia est fraudibus, iustitiis, perjuris, (militaret siquidem hæc ratio etiam contra sæculares, sed quia inhiare terrenis lucris, & implicari istiusmodi curis

fæci-

secularibus, quæ à rebus spiritualibus & munis clericis animum avocant, statui ecclesiastico & clericali maximè adversantur eumque dedecent. Unde etiam emere aliquid ea intentione, ut mutatum vel melius redditum vendatur dein cum lucro. V.g. emere lanam, ut exinde per operarios conductos ad hoc confectus pannus vendatur, esfi non sit strictè dicta negotatio, adhuc tamen, tanquam ad eam proximè accedens, & minùs decens hunc statum, censendum prohibitum clericis, cum Molin. loc. cit. à num. 6. afferit de Lugo, loc. cit. num. 34. item Pirk. loc. cit. num. 4. Quod idem etsi Molin. dicat, si ex lana propriorum gregum current confici per operarios conductos pannum ad vendendum, de hoc tamen merito dubitat de Lugo loc. cit. ut etiam magis dubitat de eo, quod afferit idem Molin. illicitum esse emere jumenta, ut ea postmodum elocet. Neque id magis illicitum esse, quam emere prædia ad elocandum ea colonis; quamvis fateatur, habere aliquam speciem negotiationis frequenter alia & alia jumenta emere ad talem usum. Porro negotiationem, saltē stricte talem, clericis prohiberi sub peccato gravi, pro ut indicant poenæ censurarum eidem irrogatae, contra Cajetan. in summ. v. clericis. Patav. de contrāt. l. 2. c. 10. sentientes contrarium secluso scandalo & ante monitionem, tenent Molin. loc. cit. Reb. p. 2. l. 9. quæst. ult. de Lugo loc. cit. n. 24. & alii communis & melius, ut ait de Lugo. Limitant tamen hoc ipsum aliqui primò; nisi excusat necessitas, ut dum clerici alio modo nequeunt sustentare vitam; cum necessitas non habeat legem. Gl. in c. negotiatorem. dist. 88. Covar. l. 3. cons. 3. n. 2. de vit. & honest. cler. de Lugo, loc. cit. num. 36. citatis Mol. Salaf. Sa &c. cum communi. Secundò; nisi exerceant negotiationem per alios, qui ineuntes cum iis societatem, totam industriam præstant; eò quod tunc cessat ratio prohibitionis, nimurum avocatio & distractio animi ab officio clericali. Pro qua limitatione Pirk. loc. cit. num. 3. citat Molin. cit. d. 342. num. 13. Less. loc. cit. num. 6. Laym. l. 3. tr. 4. c. 17. §. ult. n. 40. de Lugo, cit. n. 36. qui etiam excusat à veniali, nisi forte per accidens committeretur scandalum ob nimiam applicacionem contra Genuen. Ricc. Ugol. &c. qui censent esse mortale. Ad evitacionem etiam venialis censem, ut adsit justa aliqua causa. V.g. necessitas rei familiaris. Tertio ita ut non sit peccatum grave exercere hanc negotiationem semel iterumque sine scandalo & extra summam maximam; cum rō dare operam & exercere, quibus terminis utuntur jura, videantur importare frequentiam actuum; pro qua limitatione de Lugo citat. Less. Cened. Salzed. item Pirk. loc. cit. num. 3. citatis pro hoc Barbos. in c. 2. ne clerici. num. 9. De cætero extendit se prohibitio gravis ad religiosos, sive ordinem clericalem habeant sive non; cum jura de clericis & religiosis disjunctim loquantur. De Lugo loc. cit. num. 25. dicens hoc ipsum à Turiano extendi ad novitios nullo ordine clericali insignitos. Quod tamen in dubium revocat de Lugo; eò quod in odiosis clerici non soleant comprehendendi nomine religiosorum. Non tamen extenditur ad clericos etiam seculares carentes ordine sacro, afferit de Lugo, dicens communem; eò quod cum hi ad nuptias & statum omnino seculariter transire possint, eos non ita dedebeat hæc negotatio. Quod ipsum tamen sublimitat num. 26. nisi hi clerici carentes ordine sacro habeant beneficium sufficiens ad sustentatio-

nem; pro qua sublimitatione citat Vegam, Tabien. Salaf. Molfes. Beller. aliosque, quos afferit Dian. Tom. 1. de contrāt. resol. 73. dicitque veram & juxta communem omnium praxin; eo quod talis beneficiatus additus ministerio ecclesiæ & officio canere vel recitare horas teneatur. Et quidem magis indecens esse beneficium curatum ante susceplos sacros Ordines negotiari, quam subdiaconum nullum habentem beneficium ait idem de Lugo.

3. Sequitur autem ex dictis, non esse negotiationem prohibitam priuò emere res viliori pretio, dum nimurum earum est abundantia, ut postmodum vendas eodem pretio amicis aliisque egenis; negotiatio siquidem ad lucrum ordinatur. Secundò, si clericus ea, quæ ex rebus ab eo prototo anno ad sui suorumque sustentationem coemerat, supersunt, vendat, etiam cum lucro, pretio tamen tunc currente, Molin. loc. cit. num. 14. Ugol. de off. Episc. c. 13. §. 16. num. 2. except. 2. Pirk. loc. cit. num. 7. de Lugo loc. cit. n. 31. & 32. qui etiam addit idem esse, dum quod quis in propriis usus emerat, dein mutato consilio, occurrente occasione, ea vendit carius. Quin etiam, dum quis vendit ea illa intentione, ut postea viuiore pretio emat alia; cum negotiari non sit emere, & carius vendere; ut etiam negotiari non est vendere, ut emas vilius; sed emere ea intentione, ut carius vendas. Tertiò emere materiam, ut exinde proprio labore confectum artefactum aliquod vendatur, etiam cum lucro ad se suosque alendos, exemplo Apostoli exercentis in hunc finem scenofactoriam, & antiquorum monachorum coementium vimina, fila, lina, indeque conscientium retia, corbes, fiscellas, storeas & similia, ut ex eorum dein venditione collecta pecunia viettarent. Idque laudabiliter, ut videre est apud D. Hieronymum in Epist. ad Rustic. Monach. relatum in c. nunquam de consecrat. dist. 5. Quartò emere pecora, eaque in prædiis suis alere & saginare, ut meliorata vendantur. Idem est de integris gregibus, ut inde fatus, lac, lanam collecta distrahanter cum lucro. Item de cerevisia ex hordeo proprietorum agrorum confecta; cum id non sit aliud, quam vendere fructus vel quasi fructus proprietorum prædiorum & fundorum. Molin. Less. de Lugo. Laym. Pirk. LL. cit. Nequaquam tamen licitum est religiosis concedere prædia, agros alienos (idem est de conductione gregum, ianinarum &c. ut de Lugo loc. cit. num. 29.) ut fructus eorum vendant. Eti si enim id propriè non sit negotiatio, specialiter tamen id nisi prohibitum in Concilio Carthag. I. & 4. relatis c. 1. & 2. cons. 1. qu. 3. ne præbeant suspicione cupiditatis & avaritiae. Non tamen etiam vetatur Monasterium necessitatis causâ conducere in istum finem prædia aliena, dum propria non sufficiunt ad sustentationem. Gl. in c. 2. ne clerici vel Monach. v. firmas. Abb. ibid. n. 2. Sed neque clerici seculares prædia aliena conducere possunt, ut inde fructus collectos vendant lucri & quæstus faciendo causâ. Pirk. l. c. n. 4. citatis Molin. ubi supra. n. ult. & Less. c. 21. n. 6. cum id expresse illius inhibitum in Concil. Carthag. 3. relato in cit. c. 1. & c. ult. dist. 86. & ibi Gl. v. conductiones. Quintò non esse negotiationem prohibitam clericis vel Monasterio, dum ferrum vel quid simile ex vena propria etiam permisit laicos eruit, ut vendat; quin etiam, dum non quidem vena sola, sed prædium, cui ea annexa, ista intentione emitur. Lugo, loc. cit. n. 30. citata

citato Molin. Neque sexto secundum de Lugo, n. 33. est negotiatio prohibita, dum clericus pecunias suas, quas habet alibi. V. gr. in Hispania, non potest sine incommodo suo adducere. V. g. in Italiā, ubi eis eget, emit in Hispania merces, quas in Italia vendere potest pretio eodem vel etiam maiore, modò tamen pecunia illa in Hispania in valore aequivaleat Italicae; quia non emit, ut carius vendat, dum pecunia illa, pro qua emit merces in Hispania. V. g. 100. aurei equivalent 100. Ducatis Italicis. Imo credit de Lugo, non esse illicitum, eti sciret merces illas carius vendendas in Italia, dum non est intentio illius lucri, sed illud se habet per accidens. Secus tamen esse, seu esse negotiationem prohibitam censet, si pecunia illa Italica esset valoris majoris; eo quod emit, ut carius vendat, dum, quod emit in Hispania pro centum aureis, vendat in Italia pro 100. aureis, qui in valore superant 100. aureos Hispanicos, v. gr. duobus aureis. Verum non satis capio disparitatem in utroque hoc casu, si etiam in posteriore hoc casu absit ista intentio lucri. Ut id confirmari videtur ex eo ipso exemplo, quod adducit pro confirmatione prioris casus; nimurum, quod si debitor, qui in Hispania debet tibi 100. aureos, solvat tibi in Italia 100. aureos, ubi illi pluris valent possit eos licite recipere.

*Quæst. 262. Quinam præterea specialiter prohibeantur emere aut vendere?*

1. Resp. primò in genere: Administratores rerum alienarum de jure nec per se, nec per alium res, quas ex officio administrant, seu quas ex officio vendunt, emere possunt, nisi id specialiter quibusdam concedatur. Idque ob metum & presumptionem fraudulentæ administrationis, five ne prætextu emptionis occasionem sumant decipiendi illos, quorum res administrant, pro ut expressè habetur l. 45. ff. de contrah. empt. ubi etiam transforibus hujus legis statuitur pena solutionis in quadruplo. Unde

2. Resp. secundò in specie: Tutores & curatores res pupillorum & minorum, quas administrant, emere nequeunt, l. 34. §. fin. ff. de contrah. empt. Lauterb. tit. eod. §. 11. nisi id faciant bona fide, contotoribus, si qui sunt vel propinquus aut Judge conscius, & autoritatem accommodantibus, L. papillus. §. 2. & seq. ff. de ant. tutor. ubi etiam §. fin. id extenditur ad filios tutoris aliasque personas iuri illius subjectas, ut & ipsæ emere nequeant res pupillorum; ut & ipsum cit. l. 34. §. fin. extenditur ad procuratores, negotiorum gestores, & testamentorum executores. Carpz. l. 5. ref. 68. Montan. de iur. tutel. c. 30. à num. 60. Harprecht. &c. apud Lauterb. loc. cit. Dixi tamen: res pupillorum, quas administrant; dum enim hæc administratio honorum pupilli illis commissa non est, cessat ratio prohibendi illis emptionem nimurum occasio illos decipiendi, L. tutores. ff. de author. tutor. Carpz. Montan. Lauterb. LL. cit.

3. Resp. tertio: Prohibitum quoque est Præsidibus provinciarum, locorum gubernatoribus ac Magistratibus emere eorum, qui illorum jurisdictioni subfunt, tam res corporeas quam incorporeas, ut sunt jura in re & ad rem, possessiones, nomina, actiones & similia: tam bona immobilia, puta, domus, fundos, hortos, (exceptis tamen iis prædiis, quæ aliquando erant paterna, l. 62. ff. de contrah. empt.) quam mobilia (exceptis rebus illis,

quibus vita humana carere non potest, ut sunt alimenta, vestes, utensilia, &c. cum necessitas non habeat legem, l. 6. §. fin. de off. procons.) pro ut statuitur cit. l. 6. & 62. l. 46. §. 2. ff. de iur. fisc. L. unic. C. de contract. judicum; plurimisque aliis legibus, quas ex Schragio disert. de potentat Magistrat. & officior. tb. 13. citat Muller. in Struv. ff. b. t. lit. v. adeo ut irrita sit talis empirie, nulla patet, nulla ex inde obligatio, ac si nihil unquam gestum. Venditor etiam retento pretio rem recuperet, eamque vindicare possit per cit. l. 46. §. 2. Cujac. l. 16. observ. c. 13. Struv. loc. cit. & ibid. Mull. etiamsi contractus juramento firmatus esset, ut Muller. citatis Alciat. ad l. 33. de reb. cred. n. 7. Peregrin. de iur. fisc. l. 4. tit. 7. n. 12. Causa sic statuendi fuit presumpta vis & concusso, ut constat ex Novell. 84. dum istiusmodi Magistratus, maxime provinciales, in provincia omnia ferè poterant summa cum jurisdictione, adeoque & graffari in bona subditorum de quo vide Muller. loc. cit. citatumque ab eo elegantem textum Ciceronis in Verrem. l. 4. n. 10. Porro habet hæc prohibitio locum, five res, quæ emitur, sit in eadem provincia, five in alia, modò venditor sit constitutus sub jurisdictione emptoris. Perez in Cod. de contract. Judic. Pacius in analysi Cod. eod. Muller. loc. cit. Quodque hæc dicitur de emptione eis prohibita, idem dicendum de venditione; cum nulla assignari possit ratio disparitatis, & leges restringi non debent ad unum solummodo correlativorum, dum in utroque est eadem ratio prohibitionis. Faber in rational. ad l. 34. §. 1. ff. de reb. cred. Extenditur quoque prohibitio ad Magistratus, five sint perpetui, five annales brevisque temporis; five provinciales, five urbani, five pagani, five militares. Item ad eos, qui circa tales Magistratus sunt, puta eorum consiliarios, domesticos, liberos, conjuges, amicos. Item locum habet respectu omnium, qui eorum jurisdictioni, officio legibus subduntur, five sint verè subditi, five sint quasi tales, puta, sub illis non habentes domicilium, sed advenæ & peregrini, qui quamdiu in eorum territoriis eorum legibus & imperio subjacerem creduntur. Ut hæc omnia & singula textibus Juris & Legistarum autoritate stabilis Muller. loc. cit. Verum quidquid de his fuerit olim, hodiecum moribis Imperii non tantum Germanici, sed & totius Europa hanc prohibitionem exolevisse, & quod ad hoc Ius Justinianeum in desuetudinem abivisse tradunt passim AA. magno numero citati à Muller. tametsi tamen etiam idem testetur, esse loca aliqua in Imperio, ubi dictæ prohibitioni non derogatum. Ut etiam memorat Lauterb. l. c. §. 12. in Bavaria Praefectis & scribis provincialibus non licere in districtibus sibi commissis prædia acquiretere.

4. Resp. quartò: Nobilibus natalibus conspicuis emere & vendere in ordine ad exercendam mercaturam prohibetur. Ziegler. de Jurib. Majest. l. 1. c. 41. tb. 10. Carpz. p. 2. conf. 6. defens. 4. & 7. Struv. b. t. tb. 4. Muller. in eund. ibid. Lauterb. §. 13. juxta l. 3. C. de commerc. & mercat. Sic statuentibus Honorio & Theodosio Imperatoribus, ut inter plebejos negotiatores facilius sit emendi vendendique commercium; & ne nobiles potentia sua commerciorum utilitatem totam ad se trahant, inferioresque negotiatores opprimant. Quæ ratio urget quoque, dum vicaria suorum ministeriorum opera utuntur. Muller. l. c. lit. e. cum Klock. de contribut. c. 12. n. 262. qualiter etiam mercatura statum eorum dedebeat, vel è contra nobis

nobilitati jacturam non inferat, præsertim apud universitates, quæ ferè ex solis commerciis beatitudinem suam metiuntur, ut sunt Veneti, Genuenses, Florentini, Hollandi, &c. vide apud Muller. loc. cit. qui tamen lit. §. rectè ait, hanc prohibitionem mercaturæ cum moderamine intelligentiam, ita ut nullatenus vetentur nobiles, aut etiam nullum nobilitati præjudicium inferat vendere fructus agrorum & fundorum propriorum, etiam reservando illos in tempus, dum pluris valent juxta limitationem paulò post subjungandam. Quamvis, ut idem, regulariter per cit. l. 3. & 1. 6. C. de dignit. iis non licet ex dictis fructibus confidere & vendere cerevisiam; cum civium hæc potissima sint commercia.

5. Resp. quinto: Emptionem & venditionem inter agrorum & Medicum prohibitam, & factam rescindendam adductis variis textibus putant aliqui apud Struv. in ff. b. t. thes. 3. & Muller. ibid. Verum, ut iidem, id ex illis textibus deduci nequit; ut etiam aliunde nil verat, quod minus durante adhuc morbo, Medicus justo pretio, palam & bona fide rem ab ægrotō, quam is venalem habeat, & venditurus erat, emere valeat sic, ut nulla extorsio (ob quam alijs vetatur talis emptio) appareat, aut cur talis emptio sit rescindenda; cum planè iniquum esset, rem pro eodem pretio, quod cuivis vendenda erat, Medico emendam denegare. Muller. loc. cit. lit. 1. quamvis consultius esse dicat Strik. de cancel. contract. sett. 2. c. 8. exspectare medicum usque dum ægrotus ad sanitatem reverlus, vel adhibere testes, qui de libera voluntate agri testentur.

6. Resp. sexto: Sic quoque prohibitam esse venditionem & emptionem similesque contractus onerosos inter Advocatum & clientem vulgo traditur per l. 6. §. 2. C. de postulat. Verum rectius dicitur illo textu & aliis prohibitos solum esse contractus & pacta de quota litis & illicita mercede, ut colligitur ex §. subseq. Struv. cit. th. 3. Muller. ibid. lit. n. Donell. &c.

*Quæst. 263. Generalis: quæ res emi vendique possint?*

R Esp. Omnia rerum, quas quis habere, possidere, vel prosequi potest, venditio (& consequenter etiam emptio) recte fit. Quas vero natura vel jus gentium, vel mores civitatis (adde, vel jus divinum, canonicum vel civile; aut statutum locale) commercio exemerunt, nulla venditio est, pro ut ait textus L. si in emptione. §. 1. ff. de contrah. empt.

*Quæst. 264. Res non existentes an & quæliter emi & vendi possint?*

1. R Esp. primò: Res, quæ non existit, neque existitura, aut à me obtainienda speratur, eti de cætero non repugnat eam esse in rerum natura, aut etiam aliquando existiterit, in emptione deduci non potest, l. 15. ff. b. t. l. 69. de V. O. §. 1. Instit. de inutil. stipulat.

R. P. Leur. Jur. Can. Lib. III.

2. Resp. secundò: Res tamen actu quidem non existentes, sed solum in potentia, aut etiam in causa sua naturali, ut sunt fructus futuri & partus animalium, jactus aleæ vel retis, capture piscium vel avium, &c. emi possunt & vendi, ut constat ex L. ne emptio ff. de contrah. empt. Et quidem dupli modo ita nimur ut ematur vel ipsa res futura, vel nuda spes rei futuræ; et si enim spes illa incerta sit ratione & respectu rei, quæ speratur, utpote absoluè loquendo indifferentis ad futuritionem & non futuritionem, non tamen propterea contractus emptionis spei est nullus; non enim præcisè requiritur, ut res jam actu existat, aut certè existira sit, sed sufficit, quod verisimiliter sit existira seu futura. Muller. ad Struv. in ff. b. t. thes. 26. lit. v. Neque etiam emptio jactus aleæ est emptio non entis; cum aleam vult vendere, saltem aleam habere debet, id est, jus v. g. pescandi aut feras capiendi, quod vel ipse suo periculo commodovè exercere possit, vel alteri spem pretio ementi ipsius periculo commodovè exercendum concedere potest; adeoque eti in emptione aleæ emolumenitum illud, quod emptor spe sibi destinat, incertum, ipsum tamen jus pescandi ei concessum certum est. Muller. loc. cit. lit. v. Porro non solum in rebus, quas ex causa & ordine naturali futuras seu nascentias exspectamus, semper res ipsæ emi intelliguntur; ut nec in rebus, quas per accidens & fortunam potius quam per natura cursum speramus, semper ipsæ spes solum emi intelligitur, ut Franzk. & alii quidam volunt, quid enim obstat: quod minus spes fructuum æquæ ac spes piscium capiendorum, & è contra tam fructus ipsi & pisces capiendi emi possint. Unde diligenter attendendum, quid in contractum emptionis deducatur, an res ipsæ, an vero spes, sots & alea. Quod posterius factum censemur, si ipse actus perceptionis fructuum, capture piscium, seu jactus retis fuerit in emptionem deducatur. Ut id ipsum etiam factum censemur in rebus illis à fortuna dependentibus in dubio, dum de intentione contrahentium aperte non constat, ut Molin. loc. cit. d. 340. num. 14. ita ferè Lauterb. ad tit. de contrah. empt. §. 24. juncto §. 29. citans pro hoc. Fabr. in C. tit. de locat. def. 26. Talden. in Cod. tit. de contrah. empt. num. 4. Zoëf. in ff. tit. eod. num. 25. de Lugo de J. & J. d. 34. f. 2. num. 15. ubi tamen is aliud nihil, quæna quod res in spe vendi possit, & quod, si partus pecorum vendantur sit venditio conditionalis, de quo mox. Et in priore quidem casu, dum ipsa res futura emitur, emptio & venditio est conditionalis, hanc tacitam continens conditionem: si aliquid natum vel captum fuerit. Unde hac conditione non impleta, sive si nihil natum aut captum fuerit, venditio & emptio evanescat seu reddatur nulla, nihilque, dum pretium solutum, emptori restituendum. De Lugo loc. cit. Lauterb. Zoëf. Talden. LL. cit. Castrop. tr. 33. d. 5. p. 18. num. 10. qui tamen licet id admittat de emptione fructuum & parti animalium, negat tamen cum Gomes. de emptione animalium pescatione aut venatione capiendorum, quod ea sit conditionalis, hac assignata disparitate; quod fructus ex agris & pecoribus colligendi verisimiliter ab emptore præsumantur, adeoque censeatur sub conditione contractum; pescatio vero non trahat secum illam capiendorum piscium verisimili-

milititudinem; cum æque frequenter contingat nullos capi. Verum supponit, ut exprelle addit, ob hanc rationem solam spem capiendorum pisium vendi. Quia tamen ipsa ratio; quod saepe nulli pisces capiantur, sufficere non videtur ad hoc, ut emi nequeant ipsi pisces sub hac conditione: si qui capiantur. Quod si etiam ipse vendor hoc egerit, ut nulli fructus nascantur, nulli pisces capiantur, tenebitur insuper ad omne interesse emptori exemptione, l. 12. ff. de ait. empti & vend. de Lugo loc. cit. Molin. de J. & J. tr. 2. d. 340. num. 14. Haunold. de J. & J. tr. 10. c. 14. contrah. 14. §. 1. Reiffenst. b. t. num. 42. Lauterb. loc. cit. §. 25. citatis Bachov. ad Wesenbec. b. t. num. 7. &c. additique Lauterb. §. 27. citans pro hoc l. 12. & 21. ff. de ait. empt. Tuldens ubi supra. Franzk. b. t. num. 20. teneri venditorem, ubi is nihil nasciturum aut capiendum scivit, & id dissimulavit, ad estimationem illius, quod verisimiliter nasci aut capi potuisset. Quod si tamen etiam in hoc casu aliquid natum aut captum fuerit, eti parum, subsistere venditionem, & totum pretium deberi, atruit idem Lauterb. loc. cit. §. 26. citans Mudæ ad l. 8. ff. de contrah. empt. n. 4. &c. Dum vero certa quantitas empta vel pretium ad mensuram, numerum vel pondus constitutum v. g. pro 10. Malderis ex illo fundo nascituris 10. Ducati, pro 10. libris pisium capiendorum 4. flor. reni, si minus natum aut captum fuerit, subsistere quidem exemptionem; et quod conditio: si quid natum captum: non collectivè sed distributivè insit; pretium tamen tantum deberi pro quantitate ejus, quod natum captum juxta l. 39. §. 1. ff. de contrah. empt. asserit idem loc. cit. citans Salicer. in cit. l. 39. Mudæ, ubi ante. Mantic. &c. non tamen tunc subsisteret emptio, si nihil captum. In posteriore vero casu, dum spes empta, emptio est pura, seu non inest dicta tacita conditio. Ac propterea debetur pretium, sive multum, sive parum, sive nihil capiatur seu percipiatur, l. 8. §. 1. ff. de contrah. empt. l. 11. §. nlt. ff. de ait. empti. Faber. Tuldens. Zoës. de Lugo, LL. cit. Lauterb. §. 27. citans insuper Mantic. de tacit. & ambig. corvent. l. 4. tit. 10. Unde etiam si ex eventu pateret laesio emptoris ultra dimidium, non est tamen locus l. 2. C. de rescind. vendit. sed neque, si id, quod captum, evinceretur postea, vendor tenebitur ad evictionem. Lauterb. §. 27. Muller. cit. thes. 26. lit. 8. cum ad cognoscendum justum pretium non laesio, quæ ex post facto contingit, sed ipsum tempus contractus inspicci debat, l. 3. §. 5. C. de jure fisci. l. 8. C. de rescind. vendit. sibi enim imputare debet, qui spem magna sed incerti commodi lucro seu pretio parvo sed certo anteposuit. Quod tamen etiam periculum amittendi totius pretii, dum nihil capietur, per hoc compensari videtur, quod res capta, eti du polo excedat pretium, sit emptoris. Nisi tamen contrahentes super ipsa spe exemptionem aliter modificant, dicendo v. gr. pro singulis capiendorum pisium libris dabo 10. crucigeros; tunc enim exemptionem fore conditionatan, & consequenter, si nihil capiatur, ad nihil solvendum teneri emptorem, asserit Reiffenst. b. t. num. 43. verum videtur in hoc casu emi non pura spes, sed res. Illud tamen circa haec notandum, quod si in captura. V. gr. pisium aliud quid, quam de quo actum diversum à pisibus. V. g. pretiosum quid extractum fuerit, illud non cedere emptori, sed venditori secundum Zoës. ad tit. de contrah. empt.

num. 26. & Franzk. ibid. num. 121. apud Lauterb. §. 18. Cujac. & alii apud Muller. loc. cit. lit. 5. cuius tamen contrarium, nempe pertinere ad emptorem, apud eundem censem Tuldens. loc. cit. n. 5. & alii, saltem si quis simpliciter & in genere jactum retis vendiderit. Brunnen. vero ad l. 8. ff. de contrah. empt. num. 10. censem pertinere ad eum, qui rete jecit & extraxit, sive sit ipse vendor, sive ipse emptor, sive alius, non ex contractu, sed quia nullius esse presumitur.

3. Resp. tertio: Fructus pendentes, immatueros adhuc, seu frumenta in herbis vel aristis emi & vendi posse, saltem validè, supponit Lauterb. loc. cit. §. 26. dum ait, quod licet perierint omnes casu, & emptor nullos perceperit, valet emptio, & damnum illud pertinet ad emptorem. Arg. §. 3. Inst. b. t. & l. 78. §. fin. de contrah. empt. id tamen prohibitum esse asserit Struv. in ff. tit. cod. thes. 27. lit. a. & ibid. Muller. citans seu potius remittens ad Fabr. in Cod. l. 4. tit. 17. def. 8. num. 3. Boër. decif. 269. num. 7. Sand. l. 3. tit. 4. def. 7. & plures alios. Ut specialiter id prohiberi in Frisia testantur idem Sand. & Wefenb. d. 34. thes. 9. & Molinæus de Gallia. Idque ob eam justam causam, tum ne incauti miserisque agricultoræ præsenti modicâ pecuniâ illecti ad vendendam messem futuram, aut etiam fructus immatueros, pro ut nunc sunt, dein defraudati copiosa messe, ad inopiam & egentiam redigantur: tum ut exiguo pretio amplissimam messem acquirentium calliditati obvientur, aut etiam vitium usura, quod plerumque tali venditione tegitur, vitetur.

### Quæst. 265. An homo liber vendi possit?

I. R Esp. primo: Homo liber, cum estimatio nem & pretium (quibus essentialiter perficitur emptio & venditio) non recipiat, l. 3. ff. si quadrup. pauper. sec. extra commercium humanum est, & vendi nequit, l. si in emptio. ff. de contrah. empt. etiam sub hac conditione, vel in tempus, cum liber servus erit, non enim fas est istiusmodi casus exspectare, l. 34. ff. cod. Lauterb. tit. cod. §. 18. Mull. tit. cod. th. 27. lit. a. & quidem, si uterque contrahentium id scienter fecerit, plagium committitur, l. 1. & penult. ff. de leg. Lauterb. loc. cit. His non obstante l. & liberi homines. ff. de contrah. empt. ubi dicitur validam esse tandem venditionem. Nam ut de Lugo de J. & J. d. 26. f. 2. num. 17. id intelligentum ad effectum, ut vendor teneatur emptori de interesse, quando scienter vendit, si vero ignoranter, ad reddendum pretium solum. Patitur tamen responsio hanc exceptionem: nisi major 20. annis petiatur se venundari, §. 4. Inst. de jur. personar. l. 5. & 21. de statu homin. Lauterb. loc. cit. Reiffenst. b. t. num. 45.

2. Resp. secundò: Quod attinet venditionem propriorum liberorum, variè de hoc ab Imperatoribus statutum testantur historici & jura civilia. Primitus siquidem jure Attico nefas erat filium vendere. E contra jure Romano fas erat permisumque, cogente necessitate, præcipue egestate, parentibus vendere liberos certis conditionibus.

Vetus

Vetuit postmodum idipsum omnesque alios modos alienandi proles Diocletianus, l. 1. C. de patrib. qui fil. suos disfrax. hinc expressis: *Liberos à parentibus neque venditionis, neque donationis titulo, neque pignoris jure aut alio quolibet modo, nec sub praetextu ignorantie accipientis in alium transferriri posse, manifestissimi juris est.* Sc. Dumque hac lege adhuc obtineri non posset à patribus in opia laborantibus, quin saltē oppignorarent eos, utrumque, tam venditionem quam oppignorationem severissimè interdixit Constantinus M. injunxitque Magistratibus Provincialibus, ut ne parentes in opia adacti ad hoc triste remedium confugerent, præter illis ex fisco & horreis publicis, unde se fuosque alere possent. Ut hæc constant ex l. 2. Cod. Theodos. Verū cum & hic pius Princeps spe sua & intentione sua frustraretur ob inolitos mores; victus tandem permisit liberos vendi, l. 2. C. de patrib. qui filios suos disfrax. sed non nisi sanguinolentos, id est, recens natos, ut cum Gl. in cit. c. Covar. loc. mox citand. & non adultos, (cujus disparitatis causam vide apud Muller. cit. th. 27. lit. c. quamvis & hoc non nisi sub certis conditionibus, nimurum ut pater & filius & quisvis alias, pretio vel alio mancipio oblati venditos redimere possit. Quin & postea Theodosius & Arcadius Imperatores statuerunt, ut etiam non restituiri emptori pretio, pristina ingenuitati restituuerint, qui per venditionem à patribus miseranda fortunā oppressis fuissent in servitutem traduci. Nihilominus his omnibus non obstantibus, tenet Grotius de jur. bell. & pac. l. 2. c. 5. §. 5. & plures alii apud Muller. loc. cit. posse patrem, ubi lex civilis non impedit, filium oppignorare, & si necesse sit, etiam vendere. Quibus addit Muller. licere illum vendere, non tantum summa inedia, sed etiam vietus (ad quem plura pertinent quam cibus) cauā. Idem etiam absolutè tenet Covar. l. 3. var. resol. c. 14. n. 4. (ubi id non tantum de sanguinolentis seu recenter natis, sed & de adultis asperit, utpote in quibus eadem ratio urget, nimurum dira fames parentum. Negat autem de filiis constitutis in sacris,) Tiraquell. l. 1. de retral. §. 26. num. 17. Reiffenst. b. t. num. 46. ubi, quod idipsum licitum etiam de jure naturali videatur; eo quod proles post Deum maximè obligata sunt parentibus; adeoque naturæ omnino conveniens reputetur, ut proles ad conservandam vitam patri se finant libertate privari. De cætero quod in eo casu potest pater, potest & mater; cum jus vendendi prolem non fundetur in patria potestate, ob quam specialiter cives Romani olim eas vendere poterant, etiam tertio & extra necessitatem urgentis inopiae, ut videre est apud Covar. loc. cit. sed in pietate, aquæ debita matri ac patri. Muller. loc. cit. vide de his plura apud Azor. p. 3. l. 8. c. 6. per tot.

### Ques. 266. Res spirituales & sacrae an & qualiter vendi possint?

**R**espond. primò: Res in se merè spirituales, quales, V. gr. sunt Ordo sacer potestasque Ordinis, & actus ab hac potestate dependentes, puta, conferre Ordines consecrare ecclesiás, sacrificare, absolvere à peccatis, solenniter benedicere baptizare, &c. sunt extra omne commercium humanum, cum pecuniâ aliove pretio estimari nequeant, adeoque nulla ratione emi aut vendi possunt, continentque eorum venditio sumo-

R. P. Leur. Jur. Can. Lib. III.

niam juris divini & naturalis, c. ult. caus. I. qu. 3. Suar. Tom. 2. de relig. l. 4. de Simon. c. 14. num. 2. Laym. diffut. can. de rebus eccles. alienandis. c. 5. §. 1. thes. 71. cum communi. Idem est de juribus in se spiritualibus, utpote immediatè respicientibus finem & objectum spirituale. V. g. jure conferendi beneficia ecclesiastica, jure patronatus seu præsentandi ad illa, jus ipsum officii & ministerii clericalis & canonicalis, jure jurisdictionis ecclesiasticae, ita ut hæc secundum se nullatenus vendi possint.

2. Resp. secundò: Dum tamen jus aliquod secundum se, seu ut separatum à titulo & jure spirituali temporali annexitur rei in se spirituali consequenter tanquam causa sua, à qua oritur, seu in qua fundatur, ut contingit in beneficiis ecclesiasticis, seu jure percipiendi fructus vel decimas clericales propter officium & ministerium spirituale, utpote cui ex institutione sua annexatur, illudque ita consequitur jus illud percipiendi fructus temporales, ut hi à nullo percipi dein possint, quam qui titulum seu jus spiritualis illius officii & ministerii habet. Hoc inquam jus beneficiale percipiendi fructus, quamdiu sublat dicitur titulo spirituali, ut nec fructus ipsi percipiendi tali titulo beneficiali, vendi citra Simoniam nequeant, c. penult. & ult. caus. I. quest. 3. c. presbyter caus. ead. quest. 1. Vendendo liquidem jus percipiendi redditus propter officium & ministerium spirituale seu totum, quod includit jus beneficiale, venderetur etiam ipsum spiritualis tituli, utpote sine quo vendi & transferri nequit jus proventuum clericalium. Et hæc præserit, si dicatur, jus beneficiale non complecti duo jura, quorum unum versetur circa officium spirituale, alterum circa fructus percipiendos; sed esse unum idemque, nempe percipiendi fructus, quod mediante alio seu ratione alterius, nempe officii spiritualis terminetur ad perceptionem fructuum; cum fundamentum proximum juris ad redditus temporales sit dictum ministerium spirituale. Ita ferè Pirh. b. t. num. 14. citatis Suar. ubi ante. c. 24. num. 8. & 10. & Laym. thes. 69. & 70. Dixi jus percipiendi redditus temporales titulo spiritualis ministerii: nam separatum ab illo titulo (quemadmodum illud ab eo separare, & hac ratione redditum merè temporale donare etiam laico potest Papa) vendi potest citra Simoniam, ut iidem.

3. Resp. tertio: Dum tempore quid annexum est spirituali antecedenter, velut subjectum præsuppositum spirituali, & quidem per se & infepabiliter. V. g. ecclesia consecrationi, cæmeterium benedictioni, et si ea absolutè loquendo & ex natura rei, quatenus sunt temporalia, vendi possint citra Simoniam, modo non vendantur ratione consecrationis, sive ut consecrata, benedicta, utpote pretio estimabilia; vendi tamen non possunt ob constitutionem & prohibitionem Ecclesia, b. querelam. de Simon. cumque talis prohibitio facta sit ratione religionis, continet talis venditio Simoniam juris humani. Ita Suar. cit. c. 14. num. 18. & 19. Laym. thes. 71. Pirh. b. t. num. 15. De vasis & vestibus sacris dicitur paulo post specialiter. Dum vero tempore anne-

annexum est spirituali antecedenter quidem, ut pote in quo quasi subjectatur illud spirituale, separabiliter tamen & quasi per accidens. V. gr. castrum, praedium, cui inheret jus patronatus, quod spirituale vel quasi tale est, illud quidem jus secundum se seu solitare vendi non potest, c. quia clerici. de jure pat. vendito tamen caltro cum omnibus pertinentiis, etiam jus patronatus illi accessoriè inherens transfertur in emptorem. Sed de hoc vide dicta à me in foro benef. p. I. quæst. 67.

4. Resp. quartò: Res sacræ, id est, ad cultum divinum specialiter deputata & rite consecrata vel benedictæ, quarum materia à consecratione ita separari nequit, ut inter res profanas habeantur, ut sunt Christina, oleum infirmorum, panis, aqua similesque res benedictæ, vendi amplius non possunt, etiam ratione materiæ, §. sacra. Inst. de rer. divis. Pirkh. b. t. num. 4. juncto num. 11. qui etiam num. 5. addit, neque etiam ad usum sacram vendi posse. Ang. c. si quis obsecrit. caus. I. quæst. 3. ed quod, cum corum materiæ inseparabiliter insit consecratio, ut deinceps ad usum profanos applicari nequeant, sint extra commercium hominum juxta §. idem juris Inst. de inutil. stipulat. §. fin. Inst. de contrab. empt. contineatque earum venditio Simoniam juxta c. ea qua. & c. in tantum de Simon. ac ita tenere communiter Canonistas testatur Suar. cit. c. 14. num. 5. quamvis ipse num. 7. & plures ab eo citati teneant, ea secundum se spectata vendi posse ob generalem regulam, quod omnia, quæ antecedenter annexa sunt spiritualibus, hoc est, antecedunt spiritualitatem seu spiritualem consecrationem, hac ratione distrahi possunt; ed quod ratione substantiaz sua & conditionis naturalis sint pretio estimabilia, valoremque suam ratione consecrationis sua non amittant, quam sententiam ob authoritatem DD. Pirkh. dicit probabilem.

5. Resp. quintò: Nihilominus vasæ sacra aurea & argentea sacrasque vestes vendi posse ob necessitatē redimendi captivos similev opus pium, constat ex c. sacrorum. c. aurum 10. quæst. 2. L. sancimus. C. de SS. Eccles. & quidem confracta seu conflata vestesque disiatis, etiam laico & privata personæ, non fecus ac aliud metallum; cum in eo casu consecrationem amittant. Verum in eo, num etiam integra, seu quamdiu consecrationem retinent, vendi possint, non convenient AA. negant cum D. Thom. 2. 2. quæst. 100. a. 4. ad 2. Canonistæ communiter apud Suar. loc. cit. num. 5. Integra vendi posse etiam ecclesiæ alterie loco pio, quamdiu consecrationem retinent. Affirmant è contra, ea saltæ ecclesiæ vendi posse integra, Suar. loc. cit. n. 15. Laym. loc. cit. thes. 65. & 71. Pirkh. loc. cit. Castrop. tr. 17. d. 3. p. 8. n. 3. citans plures alios. Ed quod non vendatur consecratio, cum ratione illius vas tale non vendatur carius; neque etiam usus facer illius; cum emptor vi emptionis non obligetur ad usum illum: sed, quod venditur, est materia illius pretio estimabilis, non amittens valorem ratione consecrationis. Dixi: saltem ecclesiæ. Nam etiam calicem integrum vendi posse laico, ubi abest periculum abusus ad usus profanos, ut is eo utatur per sacerdotem in oratorio seu capella, assertur Suar. cit. n. 15. in fine. Quod ipsum admittit Laym. dum capella est publica autoritate Episcopi erecta; ed quod tunc dominium calicis non acquiratur emptori seu personæ privatae, sed dictæ capellæ, ita ut, si dominus, qui capellam suis sumptibus juxta castrum suum ex-

struxit, hoc vendito, migraret alio, non posse alienum à se emptum secum auferre, sed cogatur illum relinquere dictæ capellæ. Negat verò, dum est oratorium privatum, in quo de licentia Ordinarii Missa celebrari potest, ita ut dominium illius in ipsum emptorem privatum transferatur. Arg. c. ex multis. c. vendentes. c. res ecclesiæ I. quæst. 3. ed quod laicus rem sacram, ut & locum sacram possidere nequeat. Addit quoque Suar. loc. cit. num. 16. posse vendi calicem ita, ut non solum spectetur materia, sed & artificium; ed quod hoc conferat ad valorem, & distinguatur non minus à consecratione, & ad eam presupponatur quam materia, cui elaborata ab artifice quod ad valorem accidentarium est, quod quamdiu sacra manet, non possit usum profanum adhiberi. Quam sententiam ob authoritatem DD. probabilem dicit Pirkh. b. t. num. 8. qui tamen hoc ipsum negat cum Laym. loc. cit. th. 69. & aliis. Ed quod, cum artificium materiale nunquam separari possit à consecratione, calix ratione artificii sui non possit habere usum profanum; adeoque nec inde consequi estimationem seu pretium; cum tamen res istiusmodi materiales non astimentur pretio temporali, nisi propter temporalem & communem usum.

6. Resp. sextò: Templum verò seu ecclesia materialis ad usum diuinum deputata per consecrationem vendi non potest juxta dicta resp. 3. id que etiam ob necessitatē. Cum enim ejus venditio non excipiat in jure, sicut excipitur venditio vasorum sacrorum ex necessitate facta, dum sumus in prohibitoris, servanda est regula; quod non reperitur concessum, censetur prohibitum, c. 2. de translat. Episcop. junct. Gl. v. non inventur. Quin & expresse hæc venditio utroque jure prohibita, §. ult. Inst. de contrab. empt. L. ade sacra. ff. eod. c. si quis obsecrit I. quæst. 3. Gl. in c. ad questiones. de rer. permitt. v. per se queat. Pirkh. b. t. num. 9. qui etiam ex eo, quod ecclesiæ diruta materia, nempe ligna & lapides ad usus profanos applicare non liceat juxta, c. ligna. dist. 1. de consecrat. & c. ad hac de religios. domib. bene inferri ait, ecclesiæ etiam respectu materiæ non esse vendibilem; cum, quod divino cultui semel dicatum est, ad usus profanos non sit transferendum. Quamvis oppositum hujus, nimurum quod ligna & lapides ecclesiæ diruta ob iustam causam cum consensu Episcopi ad usus profanos applicari, adeoque & vendi possint; cum talis materia definita esse sacra, probable dicat cum Laym. loc. cit. thes. 66. & theol. mor. tr. 9. c. 16. n. 6. Contrarium nihilominus apud eundem Pirkh. tener Suar. loc. cit. num. 23. Dum calices & ecclesiæ quod ad hoc equiparant, & cit. c. si quis obsecrit. intelligendum dicat de ecclesia quatenus consecrata, seu quatenus benedictionem includit. Idem sentit Castrop. loc. cit. num. 4. dum ait, posse religiosos seu clericos, qui fuerint domini alicujus ecclesiæ etiam consecratae, vendere dominum & proprietatem illius, quantum valuerit fundus & expensæ, quæ factæ in ea ædificanda; quia non venditur tunc benedictio. De cætero licet aream seu fundum ecclesiæ dirutæ, etiam dum hæc restauranda non est ordinari non liceat applicare ad usus profanos; quia non definita esse facer. L. ade. ff. de contrab. empt. posse tamen id fieri ex cauâ & cum legitima superioris ecclesiastici autoritate admittit Pirkh. b. t. num. 10. cum D. Thom. 2. 2. qu. 100. a. 4. ad 3. & Laym. loc. cit. thes.

theſ. 68. uti etiam, quod possint Religioſi alii que Clerici Eccleſiam ſuam defere, eamque tradere aliis, accepta ab iis pecunia, non ut pretio, fed ut alibi Eccleſiam adificare poſſint, non ſecus ac calicem confeſratum minuſi ſibi commodum tra- dere alteri Eccleſiae accepta pecunia, ut pro ea comparetur alius; cum talis contractus in effe- tu fit permutatio, qua spirituale cum spiritua- li permutari poſteſt. *cit. c. ad quæſtiones. de rer. permut.*

7. Resp. septimò: De coemeterio benedicto ſeu loco communī deſtinato ſepulturis fidelium idem dicendum, quod de Eccleſia, idque ratione benedictionis. Vide *c. 13. de ſepult. c. in Eccleſiaſticas 13. q. 2.* Sic pro tali loco preium nullum exigi aut recipi poſſe, quia videtur exigi pro uſu ſepulturæ, quod eft quoddam officium Eccleſiaſticum, ait Caſtrop. *loc. cit. num. 4.* citato Sylv. *v. ſepultura. q. 2.* & communī DD. admittit tamen, non tantum recipi poſſe, quod gratis in hunc fi- nem donatum, ſed etiam quod conſuetum eft donari, exigi poſſe, eò quod non exigatur tan- quam preium; pro quo citat Syl. Valent. Ara- gon. quin & addit ex Suar. *loc. cit. num. 22.* poſſe ab eo, qui vellet onerare Eccleſiam vel Ca- pellam, ne alijs præter iſum ejusque deſcen- dentes in ea ſepeliantur, exigi pro illa obligatio- ne preium; eò quod obligatio illa ſeu onus fit preio aſtimabile, & ex alia parte non fit spiritua- le aut spirituali annexum, ſed omnino ac- cidentarium; non tamen poſſe patronum ſeu fundatorem Capella exigere preium, ut per- mittat ſibi ſepeliri extraneum; cum id eſſet ven- dere uſum ſepulturæ. Vide Eudem *loc. cit.* Qua- liiter Religioſi aliive Clerici exigen- tes majorē ſumma pro ſepultura digniore loco. V. g. ante ſummu m altare conſtituta excuſari poſſint. Verum de his & antecedentibus accuratiuſ ad *tit. de ſimoni.*

8. Resp. octavò: Bona alia Eccleſia immo- bilia vel etiam mobilia pretioſa, utpote proprie- non confeſrata, licet ſuo modo dicata Deo ad fu- ſtentationem miniftrorum illius, abſolute loquen- do vendi poſſunt, modò adiſt iusta cauſa, & ad- libeantur requiſita juris ſolemnitatis juxta dicta ad *tit. de reb. Eccl. non alien.*

### Quæſt. 267. Res publicæ an & qualiter emi & vendi poſſint?

R Esp. Res publicæ ſeu universitatis ſimpli- citer, ut ſunt forū, theatra, curia, paſcua communia & ſimilia, emi & vendi non poſſunt. *§. 6. Inſt. de rer. diviſ. l. ult. Inſt. de contrah. empt. l. 72. ff. eod.* non enim permittit ratio, ut quod communī utilitati deſtinatum eft, cum pu- blici ſtatū laſione ad privatū commodum tra- hatur, & propriis cujuspia uſibus applice- tur. *c. Ratio. de dignitat. & prob.* Limitat tamen hoc iſum Müller. *ad ſtru. ff. de contrah. empt. theſ. 27. lit. d.* niſi contractus emptionis fiat inter ignorantes, aut faltem emptore igno- rante; tunc enim valere ait quod ad obligatio- nem & praftationem illius, quod interest; jux- ta *l. 4. & 62. eod.* Aliud etiam dicendum eſſe de rebus publicis, quæ ſunt in patrimonio Reip. quod ad dominium & uſum, alijs dictæ fiscales, easque obſervatis ſolemnitatibus, quæ in L. fin.

*C. de vendit. rer. civ. recenſentar*, alienati poſſe ait Lauterb. *cit. tit. §. 18.* remittens ad Franzk. *tit. cod. à num. 137.*

### Quæſt. 268. An & qualiter officia ſacu- laria publica vendi poſſint?

1. R Esp. primò: Variè de hoc ſentiunt AA. hujuſmodi officiorum habentium jurisdictionem venditionem, ſpectato jure naturæ, non eſſe illicitam, cum ſint preio aſtimabili- lia ob lucrum & commodity, quam ſecum affeſtunt, minuſi tamen decentem, multisque periculis & gravi danno expoſitam, & hinc etiam ſummis Principiibus ab ea abſtinendum; horum verò legibus inferiores omnes prohiberi ſub gravibus etiam pœniſea vendere, afferit Caſtrop. *tr. 34. d. 5. p. 18. num. 13.* citato inter alios Molin. *de J. & J. tr. 2. d. 91.* Et haec prohibi- tiō ſufficienter colligi videtur ex Novell. 6. c. 1. §. 9. & Novell. 8. c. 7. Atque ita licet ea ven- di non poſſe tenent Jo. Medin. Adrian. &c. qui- bus quoque de Lugo *de J. & J. d. 34. f. 2. num. 24.* annumerat Leſſ. *de Juſt. cap. 32. du. 4. num. 29.* Nihilominus hodiendum contrarium uitatiſſimum eſſe, eti ſepe in magnum Reip. detri- mentum, non tantum in Gallia quod ad officia Coronæ & plurima Parlamentorum, tam militaria, quam judicialia, politica, quæſtoria; ſed & in quibusdam locis Germania, Belgio, Italia, Dania, &c. teſtatur Lauterb. *loc. cit.* quin & li- citè ea vendi poſſe, absolute tenent cum D. Tho- opusè. 21. Vafq. Cajetan. Syl. Nav. Sot. Pa- lid. &c. quos citat & ſequitur Sanch. *Lib. 2. conf. c. 1. du. 37.* item Rebelle. Tannar. Azor. Fi- liuc. Mald. quos citat & ſequitur Dian. *Tom. 2. tr. 5. miſcell. resol. 208.* & plures alii apud de Lugo *loc. cit.* quamvis, ut Idem, ex iis aliqui, ut So- tus, Vafq. Sanch. fateantur, officium Judicis nunquam licet vendi poſſe; plures etiam fate- antur, quod licet venditio haec ſpeculatiue & ſe- cundum ſe præciſe non fit mala, præcie tamen & utplurimum eſſe iniquam, & hinc, cum a- ctiones morales judicandæ ſint, ut in plurimis evenit, venditionem illam regulariter eſſe dan- nadam, ut concluſit apud de Lugo Sanch. *loc. cit. numer. 5.* De cætero autem, ut licet fiat, AA. prædicti has ferè exigunt conditions, ni- mirum ut in vendente ſit authoritas, ut vendan- tur digno, ut non vendantur preio excessivo, ita ut necesse ſit emptorem abuti officio ad preium pro eo ſolutum compensandum; ut fiat venditio ob Reip. neceſſitatem, cui aliter consulii non po- fit; his præmissis.

2. R Esp. ſecundò cum de Lugo *loc. cit. num. 25. & 26.* hanc facultatem vendendi illiusmodi officia non videri denegandam ſummis Principi- bus ex eo capite, quod ſicut donare poſſunt in- tegra quandoque oppida & urbes Marchionibus a ſe creatis, Eccleſiis, monaſteriis cum juris- dictione etiam temporali & potestate ſtatueri in iis gubernatores & officiales inferiores, ſic etiam ea vendere poſſint; adeoque jam non ap- pareat ratio, cur, ſi maiorem talem jurisdictionem vendere poſſint, non etiam vendere poſſint iſta inferiora officia. Circa haec tamen no- tanda ſequentia. Primo quod, cum Princeps, etiam supremus, ex obligatione, quam habet erga Remp. ut damna ejus impedit, tenea- tur

tur conferre digniori hæc officia, hanc statui posse regulam generalem, tunc esse licitam officiorum venditionem, quando consideratis omnibus, ad minimum non majora mala timentur Reip. ob venditionem officiorum, quam si non venderentur, observatis interim conditionibus illis, de quibus paulò ante necessariis ad mala illa evitanda. Illicitam vero, si majora mala inde timeantur, uti ea frequenter timeti possunt; de Lugo loc. cit. num. 27. Secundò, quod facilius permittantur vendi officia, quæ non habent annexam jurisdictionem, vel à quibus non multum dependet bona administratio; eo quod in iis vendendis facilius inveniti possit bonum commune præponderans vel æquivalens malis, quæ ex venditione sequi possunt. De Lugo num. 28. & apud illum Less. loc. cit. num. 22. & Sanch. cit. du. 37. num. 7. Tertiò, quod ut eidem videtur, facilius Princeps permittatur vendere officia superiora Marchionatus, Comitatus &c. quam alia officia Judicium inferiorum, à quibus immediatè justitia administratur, eo quod licet cum illis titulis & dominiis plerumque conseratur aliqua jurisdictione potestasque constitutendi Gubernatores & Judices inferiores, minus tamen plerumque mali communia afferat talis superioris potestatis communicatio, quam si ipse immediatè inferioribus Magistratibus confertur jurisdictionem illam & potestatem, ut id declarat de Lugo num. 29. quem vide. Num vero solus Princeps non recognoscens superiorem possit talia officia vendere, dum vendi possunt; an vero etiam Marchiones, Dukes, &c. qui sub alio Principe sunt, quibus competit facultas statuendi istiusmodi officiales, in eo iterum non conveniunt AA. non posse ex natura rei officia illa ab iis vendi, eo quod non habeant supremam autoritatem Reip. in cuius dominio sunt illa officia, adeoque venderent, quod non est suum, docent Sotus. L. 3. de Jus. quest. 6. a. 4. Less. loc. cit. num. 29. apud de Lugo num. 30. Alii admittunt, ea ex natura rei ab illis vendi posse, nisi lege aliqua prohibantur. De Lugo ipse ait, id totum pendere ex facultate talibus dominis à supremo Princepe concessa statuendi hos officiales; eam siquidem ab eo duplicitate conceidi posse, nimirum vel faciendo eos dispensatores officiorum, sicut est ipse Princeps, & tunc constitutos loco ipsis Principis, veluti ejus Vicarios publicos, exercere in eo munus ipsis Principis, & consequenter subire easdem obligationes, quas habet Princeps consulendi bono communi; & sic non nisi in casibus & sub conditionibus, in & sub quibus id potest Princeps, posse illos vendere officia. Qualiter etiam tacita voluntate seu licentia concessam iis hanc facultatem in multis casibus, videre est apud Sanch. loc. cit. c. 1. du. 38. num. 10. Vel faciendo illos dominos talium officiorum, ita ut possint de iis disponere tanquam de re sua. Qua ratione quandoque Princeps dat illis aliqua officia, quæ vendant, ut pretio accepto subveniant necessitatibus suis, & aliquid lucrentur; & tunc posse illos ea vendere, citra quod necesse habeant in eorum venditione attendere ad bonum publicum, ut tenetur ipse Princeps; in quo, concedendo illis hoc modo facultatem, etiæ quandoque peccat Princeps, ipsos tamen

tendo illa non peccare, modò vendant dignis serventque conditiones cæteras de jure nature necessarias ait de Lugo num. 31. in fine. Qualiter vero, dum iidem domini acceperunt hanc facultatem quidem eligendi ad hæc officia, limitata tamen, ita ut nec expresse nec tacite accepit licentiam vendendi ea, peccent contra iustitiam, & teneantur ad restitutionem accepi precii, vide apud Eudem tractatum ab illo fùsè à num. 32.

*Quæst. 269. Jura, servitutes, debita an & qualiter emi & vendi possint?*

1. Resp. primò: Jura & in specie jura servitutum emi possunt, & quidem, si servitutes sint adhuc constituenda, indistinctè emi possunt, sive sint reales, sive personales. Jam constituta, si sint personales, excepto usu, vendi quidem possunt alteri. §. 1. & 5. Inst. de usu & hab. ita tamen, ut si venditor, cui ea debetur, moriatur, extinguitur quoque exercitium servitutis, nec potest emptor ea amplius uti, sed rem, cui servitus inhæret, restituere debet domino proprietatis. Muller. ad Struv. tit. de contrah. empt. th. 26. lit. C. Reales autem non aliter, quam cum prædio, cui inhærent, cujusque partem constituunt, sive ad tempus, sive in perpetuum venduntur; cum ea neque absque prædio dominante acquiri, neque à serviente deberi possint. §. 3. Inst. de servit. Muller. loc. cit. Sunt tamen jura, quæ cedi aut vendi non possunt, ut jus revocanda donationis propter ingratitudinem; cum hoc tantum concilium parentibus seu personis primi gradus juxta l. ult. C. de revocat. donat. Muller. loc. cit. lit. C. Jus prælationis, quod in alienatione rei emphyteuticæ habet dominus. Muller. ibid. Jus tacitæ hypotheca & prælationis competens mulieri ratione dotis in bonis mariti. L. unic. C. de privil. dot. Jus retractus gentilitii extraneo vendi non potest, secus est de jure retractus conventionalis. Muller. loc. cit.

2. Resp. secundò: Venditio quoque actionum (qua est promissio pretii seu pecunia pro actione cedenda. L. 5. §. 2. ff. quib. mod. pign. solvat.) regulariter non minus est licita quam rerum aliarum. L. 4. ff. l. 3. & ult. C. de hered. vel act. vend. Muller. loc. cit. th. 77. lit. a. Lauterb. tit. eod. §. 18. Castrop. ir. 33. d. 5. p. 18. num. 8. de Lugo de J. & J. d. 26. f. 2. num. 14. Etiam facta ignorantibus, quin & invitatis, contra quos datur actio; cum hi nova obligatione non implacentur. Castrop. loc. cit. Muller. loc. cit. lit. n. quem vide. Idque, sive sint puræ, sive in diem, sive conditionatae. Castrop. loc. cit. Struv. cit. th. 77. Item sive sint præsentes, sive futuræ, nimirum qua sperantur vel ex conditionata conventione, vel legato aut fideicommisso sub conditione relato. Arg. l. 17. & 19. ff. de hered. vel act. l. 3. C. de donat. Muller. loc. cit. lit. C. citato Besold. p. 1. cons. 40. num. 6. Lauterb. loc. cit. §. 26. Item sive in rem, sive in personam. L. ult. C. de hered. & act. Manz. in interp. l. Anastas. quest. I. num. 3. Mulet. loc. cit. lit. C. sive sit rei vindicatio. §. 3. Inst. de empt. & vend. l. 63. ff. de R. V. sive sit actio hypothecaria. L. 2. C. de fideiuss. l. 13. C. de locat. sive hæreditatis petitio. Muller. lit. o. Lauterb. §. 27. sive sit ex contractu vero seu propriæ tali, ut est actio empti & venditi, sive quasi tali, ut est actio tutelæ. Struv. loc. cit. Muller. ibid. lit.

*lit. §.* Vendi etiam potest actio ex delicto civilis, seu ex obligatione delicti privati, ut sunt actio furti, actio *l. Aquilie*. Struv. loc. cit. *lit. e.* sic cedi & vendi posse actionem injuriarum estimatariam Arg. *l. fin. & l. 3. C. de hæred. & act. vend.* defendant Lauterb. cit. §. 27. citatique ab eo Bachov. Welenb. Hahn. &c. qui etiam ante litis contestationem eam esse in bonis actoris, non obstante *l. 28. ff. de injur.* probat ex eo, quod possit ab eo constitui Procurator; item Muller. loc. cit. *lit. z.* cum hac tamen limitatione, quod opus non sit, ut cessionarius seu emens cedente seu venditore adhuc vivente litem contestetur cum injuriante, cum alias ista actio morte cedentis extinguitur. Cedi e contra, & consequenter vendi nequeunt actiones criminales publica. *L. penult. §. ad crumen. ff. de publ. jud. & Arg. §. 1. Inß. de injur.* Lauterb. loc. cit. §. 31. Muller. loc. cit. *lit. z.* citatis alii; qui enim crimen aliquod publicum vindicare intendunt, ipsi venire & causam agere coguntur. *L. 3. C. de his qui accus. non poss.* *l. ult. de accusat.* Item actiones populares, in quibus omnium civium par in accusando jus est, adeò, ut nemo alieno nomine intervenire possit. *L. 5. ff. de popular. act.* nisi forte subsit privatum actoris interesse. Muller. loc. cit. Lauterb. cit. §. 31. Item actio personalis & confessoria ad usum petendum & vindicandum. Lauterb. loc. cit. Muller. loc. cit. idem dicens de usufructu & usu & habitatione; secus autem de jure reali usufructu, seu commoditate percipiendi fructus. Item actio ad rem jure sanguinis retrahendam extraneo vendi nequit. Tiraquell. *de retract. consang.* §. 26. gl. 1. a num. 1. Carpz. p. 2. const. 31. defens. 19. Lauterb. loc. §. 1. secus est in retractu conventionali, nisi est restrictus ad certam personam. Lauterb. loc. cit. Berlich. p. 2. concl. 39. n. 52. Brun. *de cesso. act. c. 4. a num. 33.* An vero hic locum habeat, & cessioni seu venditioni actionum applicari possit regula hæc, quam tradunt Tiraq. Berlich. & alii communiter; apud Muller. loc. cit. quidquid non est transmissibile (intellige ad hæredes) illud non est cessibile, adeoque nec vendibile: vide apud Lauterb. loc. cit. §. 29. ubi hanc regulam universalem esse negat, & signanter asserta fallere in iis, que morte ejus, cui competent, extinguuntur; hæc enim eti in hæredem transmitti nequeant, recte tamen à viventibus, ubi lex specialiter non prohibet, recte vendi, & quantum eorum natura permittit, in emptorem transferri.

3. De cetero actiones de se alias vendibiles & emibiles respectu plurium personarum emi & vendi non possunt. Sic enim primo prohibitum advocatis, causidicis procuratoribus emere actiones; cum talis coemptio chirographorum & instrumentorum sapiat in talibus magnam avaritiam, libidinem vexandi debitores, quin & usurariam pravitatem. Muller. loc. cit. tb. 77. lit. a. cum Cujacio. *L. 8. observat. c. 3.* Secundò idem prohibitum potentioribus, ne actiones emant seu in se transferant, & actoribus seu acturis, ne eas vendant adversarium opprimendi gratia; & quidem sub pena, non tantum nullitatis, sed etiam amissio- nis actionum (non quidem ipso jure, sed officio Judicis ad instantiam partis, ut Lauterb. §. 20.) & sub pena arbitriae tali ementi seu redimenti lites infligenda uti haec sumuntur, ex *l. 2. C. ne licet potentioribus.* à qua tamen pena liberari videntem, si eas vendiderit bona fide, & non ma-

litiosè, cum communi censem. Mevius p. 3. decis. 50. & seq. Befold. p. 3. const. 232. a num. 88. qui etiam ait, hanc prohibitionem abiisse in desuetudinem, de quo tamen meritò dubitari ait Lauterb. loc. cit. in fine. Posse nihilominus potentiorē à paupere actionem contra æque potentem redimere, ait Muller. loc. cit. cum Brunem. loc. cit. c. 2. num. 21. testante de communi; cum in hoc non committat, ut exinde cadat actione sua, neque dici possit, voluisse illum hac ratione incutere metum adversario, sed potius allaborasse se defendere contra violentiam. Muller. loc. cit. & DD. in cit. l. 2. Potentiorum autem nomine veniunt, qui ratione officii vel dignitatis seu Magistratus singularis tales sunt, ut hinc terrori esse possint adversario, habentes merum & mixtum imperium de jure vel facto in alium. Muller. loc. cit. Lauterb. §. 21. qui addit, hinc non sufficere, quod quis polleat gratia & opibus, cui adversarius par esse nequeat. Quamvis censem alii cum Menoch. *l. 3. presump.* 129. num. 23. Judicis arbitrio remittendum, ut is astimet, num facta emptio seu redemptio à potentiore. Tertiò prohibitum transferre actiones litigiosas in fiscum, sequi videtur ex priore; cum sic debitori seu reo opponatur adversarius potentior; & nullatenus ei permisum instituendam ab alio contra me redimere. Muller. loc. cit. sed neque Fiscus sponte oblatam à creditore actionem redimere & acceptare potest. Quamvis possit deficientibus bonis creditoris sui, actiones ejusdem adversus eos, qui illi obligati sunt, in subsidium accipere per tradita à Brunem. *l. 1. C. ne fiscus & peregr. de jur. fisc.* l. 4. tit. 6. num. 46. apud Muller. loc. cit. Quartò prohibitum tutoribus & curatoribus emere, aut etiam curare sibi actiones cedi contra pupillum minorem, aut etiam adulterum furiosum, prodigum, seu contra illos, quorum tutelam vel curam gerunt, aut gesserunt. Idque jure novo, ut Lauterb. §. 24. nimurum *Novell.* 72. (velut citat Muller. 77.) c. 2. non obstante *l. 12. ff. de reb. eor. qui sub tutel.* utpote quæ loquitur de jure veteri, ut Lauterb. fundata hac prohibitione in suspicione, ut ait Muller. loc. cit. sinistra contra tutores & curatores, dum solebant non raro redimere ab aliis actiones inanis, infirmas & planas inutiles, & dein suppressimere apochas, quibus potuerint pupilli minores &c. se defendere & agentem repellere; unde, ut sumitur ex cit. *Novell.* c. 5. licet præcesserit causa & vera venditio, id est, titulo alias justo & legitimo facta, ex parte tamen tutoris redemptio seu emptio actionis sit iniulta, utpote facta contra legem, nulliusque momenti, ita ut etiam post tutelam depositam, tutor nequeat eam instituere contra pupillum, cadasque suo jure, & hoc accrescat lucro pupilli. Muller. Lauterb. *l. L. cit.* additque Brunem. *tr. de cesso. act. c. 2.* quod ne quidem tutor vel curator post depositam tutelam aut curam valeat redimere tales actiones, eo quod metuendum sit, ne tempore administrationis omnia ad cessionem aut redemptionem sibi malignè preparaverit. Quintò vendere non potest actiones sui principalis procurator generalis; cum talis procurator generali mandato instructus alienare non possit bona domini. *L. 63. de Procur.* Brunem. ibidem. Muller. loc. cit. lit. a. in fine. secus de procuratore mandatum habente cum libera; cum tale mandatum ferè in omnibus aequivaleat speciali. Sextò Christianis emere à Judæis actiones illis competentes

petentes contra Christianos, uti & Judæis vendere ictiusmodi actiones Christianis sub pena amittendarum actionum prohibitum est per Recessum Imperii de anno 1551. ita ut etiam ibidem prohibitum sit Magistratui sub pena infamia & remotionis ab officio confidere instrumentum super hujusmodi prohibita emptione; à qua prohibitione esti Carpzov. p. 2. const. 30. def. 45. & l. 5. resp. 38. excipiat obligationes seu actiones, quas Judæus sibi judicialiter acquisivit, & cum quibus nullam usurariam pravitatem conjunctam, liquido constat, intelligendo dictum Recessum de contractibus usurariis, & à Judæo extrajudicialiter initis, ne si omnis redemptio actionis contra Christianum à Judæo per Christianum facta prohibita sit, necesse quoque sit dicere, nullum contractum vel distractum Christiani cum Judæo esse licitum, ut Muller. loc. cit. hanc tamen limitationem seu exceptionem rejicit Lauterb. §. 22. & 23. utpote repugnantem generalibus & clarissimis terminis civitatis Recesstis, dum ii oquuntur expressè de negotiis validis, ex quibus Judæo competit actio; usuraria autem negotia, & super quibus extra-judicialia tantum instrumenta sunt confecta, ipso jure sunt nulla, nullamque actionem producunt, adeoque frustra per dictum Recessum prohiberetur emptio actionis non competentis, cùm illius per se nulla sit venditio seu cessione, nul-laque privatio. Septimò Clericis quoque Jure Canonico, nimirum per c. 2. de alien. Jud. mutandi causâ, prohibitum est dono vel pretio facere sibi seu emere actiones laicorum, ut adversarios ad judicium Ecclesiasticum trahant, & prædam ex hujusmodi commercio faciant; cùm, ut loquitur textus, ex eo sint odiosa, quod ex fonte cupiditatis videantur procedere; & ut Gl. in cit. c. v. à presumptione, quod præsumantur facta in fraudem & avaritiae causâ, & Clericis absque eo sic negotiari non liceat. Cumq[ue] hæc præsumptio fundetur in eo, quod frequentius fit, & in negotiatione Clericis prohibita videtur emptio actionum ab eis facta absolute prohibita; non obstante, quod dictus textus loquatur tantum de dolosis ictiusmodi emptionibus & cessionibus, præsertim, cùm novum non sit propter quorundam malitiam totum prohiberi negotium. Arg. l. 1. §. 6. ff. de postulat. l. 1. ff. ad S. C. Macedon. Dixi: *Jure Canonico*: De Jure enim civili Clerici non prohibentur emere & vendere, saltem bona fide actiones, & nisi sint in dignitate constituti ut Episcopi & hinc ut potentiores prohibeantur; uti hoc jus civile observari in provinciis Augustanæ professionis & Reformatæ Religionis, testantur Lauterb. §. 25. Muller. loc. cit. citantes Rittershausen. de differ. juris Can. & civilis. l. 7. c. 5. Octayò milites non prohibentur bona fide emere nomina & actiones. Arg. l. 8. §. 2. ff. & l. 9. C. de procur. Lauterb. Muller. LL. cit. dum cui cedi, ei etiam vendi potest actio; his non obstante. l. 7. C. cit. tit. cùm loquatitur de litium redemptionibus.

4. Porro ex actionum venditione vendor obligatur emptori ad actiones venditas cedendas, præstandas sive mandandas (hæc enim tria, actiones cedere, præstare, mandare in jure idem significant, & iis indiscriminatè utuntur Juris-

consulti. Lauterb. §. 34. ita ut actionibus vel actiones cedere nihil aliud sit, quam actiones ex justo titulo alteri mandare, eidemque eas in suam utilitatem exercendas committere. L. 4. C. de procur. l. 8. ff. mandati.) sicuti enim res corporales venditæ sine rei traditione in emptorem non transferuntur, ita nec actiones venditæ in eum transirent sine cessione sive mandato. cit. l. 4. Lauterb. §. 32. fitque & perficitur ea cessione nuda voluntate, quounque modo inter presentes, vel epistola vel nuncio inter absentes declarata; quamvis hodie in aliquibus locis requiratur ad eam insuper authoritas Judicis. Lauterb. §. 37. Tenetur item cedere emptori non tantum actionem, principalem competentem sibi contra debitorem, sed etiam accessorias. V. g. hypothecariam, fidejussionem; immo & jus, quod ex illa causa adversus debitorem & intercessores habet. L. 6. & 23. ff. de hered. & act. vend. Lauterb. §. 38. Item tenetur præstare emptori actionem venditam & cessionem esse veram. L. 4. cod. vera autem hic dicitur actio, quæ non tantum ipso jure competit, sed etiam nulla exceptione perimi potest; cùm, qui exceptione (intellige perpetuâ) removeri potest, non sit creditor. L. 42. §. 1. ff. de O. & A. ita Lauterb. §. 39. unde etiam, si actio vendita ab initio fuit nulla, vel legitimo modo jam extincta, aut quæ legitima exceptione (quales quænam opponi possunt, vide apud eundem §. 40.) perimi potest, tenetur vendor emptori restituere pretium, &, si id sciverit, etiam interest. Lauterb. §. 39. remittens ad Carpz. p. 2. const. 34. def. 27. Franzk. tit. de evict. num. 84. & alios, quos etiam doce-re ait, quod debitore negante competitivis venditori actionem, non statim contra eum agi posse. Arg. l. 16. & 24. ff. & l. 8. C. de evict. Teneri quoque venditorum emptori de evictione, si actio vendita vera quidem sit, postmodum tamen ab alio evicta, ait Lauterb. §. 41. citans Burgund. tr. de evict. c. 11. num. 20. secus tamen, si em-pitor sciverit actionem non fuisse veram, aut debitum non esse liquidum. Sed neque vendor, si veram & ad se pertinentem actionem præstiterit, debitor autem non sit solvendo, ab emptore exinde conveniri potest, eti periculum jam tempore venditionis adfuerit, cum Franzk. loc. cit. à num. 4. asserit Lauterb. §. 42. cùm vendor actionis non teneatur præstare debitorem esse locupletem, seu esse solvendo. L. 4. ff. de hered. & act. l. 74. §. fin. ff. de evict. idque, etiamsi vendor expresse evictionem promiserit. Lauterb. loc. cit. cum Berlich. p. 2. decis. 291. num. 14. & aliis testantibus de commun. Arg. l. 4. ff. de usiris. ubi: Quia non est verisimile venditorem plus promisisse, quam judicio empti præstare compelleretur. Item etiamsi em-pitor ignoraverit debitorem non esse solvendo. Arg. cit. l. 74. ipse enim emptor sibi imputare debet, quod non diligenter in conditionem debitoris inquisiverit Lauterb. loc. cit. citatis Franz. Tulden &c. secus tamen est, ubi vendor scivit, debitorem cessum brevi decocturum, aut actionem inanem esse, aut etiam sumptuosa dubiaque lite evincendam, & id emptorem celavit; cùm tunc negari non possit, venditorem in dolo esse; item secus est, ubi vendor debitorem locupletem & idoneum præstare promisit expresse, ut Lauterb. §. 43. quem vide.

5. Quod vero præter hanc obligationem spectat alios effectus venditionis & cessionis action-

rum,

num, notandum specialiter, quod tametsi actiones per venditionem & cessionem in jure dicantur transferri in emptorem, non tamen adhuc actiones tam reales quam personales formaliter in cessionarium seu emptorem transeant, ita ut is exinde iliarum dominus efficiatur, sed vendor & cedens etiam possessionem, maneat earum cellarum dominus saltem praescindendo à jure speciali aut consuetudine quorundam locorum, in quibus, facta cessione actionis, nulla penes cedentem manet actio. Lauterb. §. 44. *junctio* §. 51. citatis Rebuff. Tiraq. & alii) ita ut etiam post actionis cessionem, re adhuc integra, validè eadē actione contra debitorem suum agat, eumque accipiendo debitum, liberet. Item super illo cum eo validè paciscatur & transfigat, possitque hujus pacti & transactionis exceptione repellere cessionarium, cui tamen vendor quidquid ex venditione consecutus est, integrum restituere tenetur, simulque omne, quod illius interest, præstare ita ferè Lauterb. §. 44. & duob. seq. singula stabilens textibus juris & DD. autoritate. Dixi : *re integra* : qualis ea esse definit, & venditori cedentia präcludit agendi, solutionem accipiendi, paciscendi, transfigandi, dum emptor cum debitor cesso vi actionis sibi vendite litem contestatus est, vel ab eo partem debiti accepit, aut eidem (vel si duo sint in solidum obligati, utrique) cessionem factam denunciaverit. Lauterb. §. 46. Num verò, si non ipse cessionarius seu emptor id debitor significaverit, sed is aliunde venditionem & cessionem factam intellexit possit vendori cedenti cum effectu juris solvere debitum, aut super eo transigere vel pacisci, valde controvertitur inter AA. de quo vide Lauterb. a §. 48. De cetero (qui est alter cessionis vendite effectus respectu emptoris) licet actionum emptores per cessionem, quamdiu res integra est, neque actionum, neque debitorum sicut domini, exercitium tamen actionum cellarum ex jure & persona cedentis in suam utilitatem peragendum consequuntur. l. 4. & 9. C. de procur. & procuratores in rem suam constituantur. l. 8. C. eod. & recte appellantur creditores debitoris cessi. l. 42. §. 1. ff. de O & A. l. 23. C. mandat. Lauterb. §. 52. adeoque jam poterit emptor dictas actiones per se vel per alium procuratorem in judicium deducere, in illis compromittere, juramentum deferre, solutum accipere debitum remittere, ita ut debitor ipso jure vel ope exceptionis liberetur respectu cedentis. Lauterb. §. 54. Quin & cessionarius concurrens cum cedente in exigendo debito huic præfertur, idque etiam si litis contentatio, aut dicta denunciatione non præcesserit. l. 55. ff. de procur. cum eo ipso quod exigat, exercitè denunciet, ac ita res non manferit integra. Unde & in hoc casu, si cessionarius, etiam post latam pro cedente sententiam, superveniens in accipiendo debito sit præferendus; cum debitor post denunciationem seu certiorationem cedenti solvere nequeat. l. 3. C. de novat. Utuntur quoque in exercendis actionibus emptores & cessionarii illarum eodem jure, quo cedens uti poterat quod ad actioni cohærentia. l. 5. C. de hered. & atl. vend. v. g. si vendor vel ex re judicata vel aliunde habebat executionem, emptor quoque eam habeat Lauterb. §. 55. an verò uti quoque possit circa illas privilegios personalibus adhærentibus personæ vendoris, controvertunt AA. pro ut videre est apud eundem §. 56. Et quidquid sit de hoc, saltem emptor privilegiis propriis in actione

ne vendita & cessa uti non potest, ne conditio adversarii reddatur durior Arg. cit. l. 5. & l. 2. ff. cod. Cujac. l. 10. obs. 3. Franzk. tit. cod. num. 21. Lauterb. §. 59.

6. Denique quod spectat ad pretium, quod actiones nomina & debita emuntur, notandum justum actionis pretium non præcisè estimari ex quantitate debiti seu valore rei debita, cum minus sit actionem habere, quam rem possidere. l. 204. ff. de reg. iur. cum frequenter ex superveniente debitoris inopia, absentia, potentia, militia alisque circumstantiis, vel etiam deductis labore & expensis in consequendo debito actio reddatur inanis, & creditor seu emptor nihil accipiat aut parum. Unde etiam qui pro jure seu actione dat pretium debito æquale dicitur fatius. Ac proinde pro justo actionis pretio definiendo respiciendum ad debiti securitatem, certitudinem probacionis facilitatem, exactionis difficultatem, debitoris qualitatem aliasque loci & temporis circumstantias, ita ut, dum emitur quandoque exiguo pretio, non statim emptio dicenda sit iniqua & usuraria. De Lugo de J. & J. d. 26. f. 7. l. num. 93. 95. 96. Molin. de J. & J. d. 361. num. 4. Carpz. l. 2. resp. 34. num. 5. Manz. in l. Anastas. q. 2. à num. 12. Muller. th. 81. Lit. p. Lauterb. §. 62. & 63. Quamvis justum quoque pretium ex communi estimatione Judicis arbitrio definiendum veniat. Arg. l. 32. ff. ad leg. Aquil. Lauterb. §. 63. in fin. cum Menoch. de arb. l. 2. cent. 3. Caf. 248. num. 2. & alii. Sed neque statim emptor dicendus emere injusto pretio, dum ob singularem debitoris amicitiam vel favorem officialium illius, aut ob aliam causam sine omni difficultate aut minoribus sumptibus debitum venditum consequi potest, & tamen pretium debito minus solvit. Manz. loc. cit. n. 14. Laym. th. mor. l. 3. tr. 4. c. 17. §. 5. n. 33. citatis Lefl. de just. l. 2. c. 21. dn. 9. & Molin. cum cujusque rei pretium accipi debeat ex communi opinione, non ex privata alicuius industria; debitum autem tale attento communi rerum statu difficile aquisitu estimatur, ideoque minoris valet, nihil obstante privata alicuius industria aut fortunā. Ipos quoque officiales seu quartiores Regum ac Principum posse istiusmodi debita à subditis Principum emere pretio minore modò difficultas solutionis non ex ipsorum culpa, sed alio unde proveniat, scandalum quoque & specialis prohibitio cesset, docet Lefl. l. c. bene tamen dicit Laym. istiusmodi negotiationem in talibus officialibus non vacare periculo. Quin & simpliciter ex Molin. ait Muller. in Siruv. ad tit. de hered. & atl. th. 77. lit. a. Non posse per se aut aliam personam interpositam minore pretio emere debita, qua ipsi loco Principis solvere debent. Sed neque in pretio justo definiendo ad singularem emptoris utilitatem attendendum, sed ad communem rei & actionis estimationem. l. 63. ff. ad leg. falcid. Lugo. l. c. n. 6. Mol. l. c. n. 10. Bonac. de contract. d. 3. q. 3. p. 10. n. 4. Lauterb. §. 66. qui etiam id ipsum §. sequens. exemplificat, & ostendit, qualiter per hoc non peccetur contra Legem Anastasianam seu ab Anastasio latam, quā is. l. 21. C. mandat, constituit, ut is, cui vendita actio, non plus possit exigere, quād quod ipse creditori seu vendori exsolvit; unde is probare & quandoque juramento confirmare tenetur, quantum re ipsa per solverit. de qua probacione qualiter facienda, vide Muller. loc. cit. th. 80. lit. Z. uti & lit. n. & 9. ubi, cui residuum

R. P. Leur. Jur. Can. Lib. III.

pretii cedat, an debitori, an venditori, an fisco. de quo etiam vide Lauterb. §. 74. In eo vero, num debita omnino liquida, in quibus obtainendis nulla prorsus difficultas, molestia aut periculum, nec lucrum aliquod cessans, aut damnum emergens intervenit, minore pretio emi possint ex eo praecisa ratione, quod de praesente detur pecunia pro debito prius post tempus aliquod solvendo, in eo inquam valde controvertunt AA, affirmant Sanch. l. 1. cons. c. 7. du. 17. num. 5. Nav. in man. c. 17. num. 23. 1. Cajet. v. usura in fine Sa. v. debitum, num. 21. Armill. v. eod. num. 50. hanc quoque sententiam ut probabilem admittunt Laym. l. 3. tr. 4. c. 17. §. 2. num. 32. Tolet. Bellarm. Wading. apud Reiffenst. b. t. num. 69. ea duicti ratione, quod juxta communem aestimationem hominum res praeſens pluris aestimetur quam futura. Contrarium tamen tenetibus apud eundem. Sylv. v. usura 2. q. 24. Less. loc. cit. du. 8. Laym. l. c. Valent. Tom. 3 d. 5. q. 10. p. 2. Pet. Nav. l. 3. c. 2. num. 162. Molin. d. 361. Haunold. tr. 10. controv. 14. num. 104. Soto & alii eo adductis fundamento, quod in dicto casu non servetur aequalitas pretii & mercis; cum absolute loquendo debitum tantudem valeat quam ipsa res praeſens. Vide his de Lugo. a. 26. f. 7. §. 1. plura quoque specialia circa venditionem & estimationem actionum vide apud Legistas seu juris civilis interpretes.

*Quæſt. 270 An omnia bona & tota hæreditas vendi posſit?*

1. R Esp. Ad primum: omnia bona, quorum quis dominium & administrationem habet, licet ab eo donari nequeant, ne ei adimatur potestas testandi, possunt ab eo vendi omnia bona praesentia & futura, tam conjunctim quam divisiū; cum hac ratione non adimatur ei facultas testandi; quippe quibus venditis succedit acceptum pretium, ut & res aliae illo pretio comparanda, de quo & quibus disponere potest de Lugo de f. & f. d. 26. f. 2. n. 13. Castrop. tr. 33. d. 5. p. 8. num. 1. Gomez. va riar. c. 8. num. 4. dum vero quis sine expressione futurorum vendit sua bona, censetur vendita sola praesentia ex ea ratione, quod bona futura in rigore non sint, sed erunt sua. AA. citati.

2. Resp. ad secundum: vendere quoque quis potest totam hæreditatem ex testamento vel ab intestato sibi delatam, morte deferentis subsecuta. l. 1. & seq. ff. & C. de hered. & act. vend. Secus est de hæreditate necedum delata seu adhuc viventis, ita ut neque substitutus pupillaris necedum delata vendere. Castrop. l. c. num. 3. juxta l. 2. ff. de hered. & act. eset enim venditio tunc contra bonos mores & nulla ob periculum captandi ab emptore mortem ejus, cuius est hæritas. l. 1. ff. codem nisi forte is, de cuius hæreditate vendenda agitur, conscientis sit & consentiat. l. ult. C. de partis. & l. ex eo. C. de inutil. stipul. de Lugo. loc. cit. Molin. de f. & f. Tom. 2. d. 340. num. 2. Carpz. p. 2. const. 35. defens. 19. Lauterb. ad tit. de hered. & act. §. 2. quin & præter nullitatem privatur talis emptor hæreditate, dum ea postea, defuncto, cuius erat, illi defertur. l. 2. ff. de quib. ut indign. De Lugo. Castrop. LL. cu. ita ut eam post sententiam declaratoriam retinere non possit. Castrop. citati-

que ab eo. Molin. Gomes. etiæ premium repeteat, possit emptor una etiam cum interessu, si venditor scivit ( fecus si ignoravit ) eum vivere adhuc, cuius hæreditatem vendidit. Lauterb. l. c. §. 3. nisi forte hoc modo contraxiscent; si qua hæreditas est tibi empta. Siquidem in hoc casu licet nulla hæreditas esset ( non tamen si nullam esse ignoravit venditor ) venditio tanquam spei adhuc valeret, nec premium restituendum, ut Lauterb. §. 3. citans l. 11. ff. cit. tit. Et ibi Fabrum in fin. His non obstantibus. l. 3. §. cum specialiter. & §. illo. & l. c. Societatem. ff. pro socio &c. ubi permititur sociis contrahere de hæreditatibus sibi obvenit. quia hæ leges intelliguntur de hæreditatibus incertis, si qua forte obvenit ex incertis personis, & in genere, AA, iidem cit. Ad validitatem tamen hæreditatis necessarium non est, ut ea pertineat ad venditorem; cum etiam res aliena vendi possit. Muller. l. c. th. 69. Lit. a. Lauterb. l. c. §. 4. cum Fabr. in ration. adv. 8. & 9. ff. de contrah. emp. Tenetur etiam venditor in eo casu de evictione hæreditatis. Muller. l. c. & si simpliciter vendiderit hæreditatem ad se non pertinentem, tenetur ad hæreditatis aestimationem unâ cum eo, quod interest emptoris. cit. l. 8. Faber ibid. in fine. Lauterb. loc. cit. uti etiam ad idem tenetur, si sciens hæreditatem ad se non pertinere, vendidit non simpliciter, sed hoc modo: si quid juris in ea habeo; vel quidquid juris in ea habeo. Lauterb. cit. §. 4. fecus tamen, si id ignoraverit; tunc enim neque se hæredem, neque quid aliud præstare tenetur, maximè incertum, cum hæreditas delata; cum tunc videatur spes in hæreditate jacente vendita. Mantic. de tac. & ambig. conv. l. 4. tit. 10. num. 4. & 5. Lauterb. loc. cit. de cætero hæreditate delata vendita à vero hærede, venditor non tenetur ad evictionem rerum singularem hæreditatis. l. 2. ff. de hered. & act. vend. cum ipse non tanquam dominus singula corpora, sed tanquam hæres universitatem vendiderit, & inter emptorem & venditorem hoc actum, ut emptor neque amplius, neque minus juris habeat, quam apud hæredem futurum erat. cit. l. 2. & ibi Brunem. num. 1. Lauterb. §. 7. neque etiam, ut idem §. 8. & Muller. loc. cit. prefare tenetur emptori, quæ ipse specialiter exceptit. Neque etiam, quod venditor indebet accepit; cum id non percepit ex hæreditate, licet occasione illius accepit. Muller. loc. cit. Lit. v. citans Mantic. Porro venditione transmittuntur in emptorem absque ulla cessione omnia relicta à defuncto, corpora, jura, commoda, omnisque actiones activæ utilles. l. emptor. C. de hered. & act. vend. Castrop. loc. cit. num. 2. cum communī; non tamen actiones passivæ, quibus defunctus obstrictus suis creditoribus erat; cum hæ actiones non sint propriæ loquendo venditoris, sed creditorum in ipsum, adeoque iis invitatis is eas à se reicere nequit. Castrop. cit. num. 2. citans l. si mandato meo. ff. mandati. non obstante. l. 1. C. de hered. & act. & l. 2. C. ad leg. Julian. de vi. ubi, quod fiscus succedens in hæreditatem ex confiscatione, vel legis dispositione succedit in omnibus actionibus etiam passivis hæredis. Nam æquum erat, ut qui sine pretio commodum reciperet, onus non excuteret. Castrop. loc. cit. unde jam etiam creditores defuncti scilicet hæreditarii, legatarii & fidei-commissarii contra emptorem hæreditatis invitum directe

directe agere non possunt. cit. l. 2. Lauterb. loc. cit. §. 17. ubi tamen fiscus vendit hæreditatem, empator etiam invitus creditoribus hæreditariis & filiis respondere, & eorum actiones excipere tenetur. l. 1. C. eod. Lauterb. l. c. qui etiam ibidem & §. 12. in fine citans pro hoc cit. l. 2. & Brunnen. ad cit. l. 1. num. 2. Struv. th. 77. Arume. Tuld. & alii ait, id ipsum locum habere in ipso venditore privato ubi es desirerit esse solvendo. Etsi autem hæres venditor post venditionem creditoribus hæreditariis, legatarii &c. maneat obligatus, & illis respondere cogatur, cum onera hæreditatis maneant formaliter penes venditorem. cit. l. 1. & 2. nisi, ut dictum, vendiderit eam fiscus. Si quid tamen dictis creditoribus præstitit, ab emptore actione ex vendito repetit cit. l. 2. aut ab aliis convenitus contra emptorem agit dicta actione, ut se contra illos creditores defendat. Lauterb. §. 13. unde etiam ab hæreditate deducit, vel ab emptore repetit legata, quæ ipse præstitit. cit. l. 2. §. 3. item & alienum, quod hæreditario solvit ibid. §. 7. idque etiam, si illud verè debatum non fuit, modo sine dolo condemnatus ad solvendum solvit; secus, si non condemnatus solvit, l. 2. §. 7. ff. de hered. & act. Lauterb. §. 12. item expensas, quas fecit in funus defuncti, cui successit, vel in ipsam hæreditatem aut res hæreditarias. cit. l. 2. §. 7. 11. & sequent. Lauterb. loc. cit. uti etiam, si vendor hæres in tradenda emptori hæreditate id, quod sibi a defuncto debebatur, non retinuit, poterit id ab emptore per condicione indebiti repetere. l. 45. ff. de condit. indeb. aut etiam eo nomine contra eum age-re actione ex vendito. Lauterb. §. 12. in fine. quorum ratio est, quod sicut vendor ex hæreditate vendita sine speciali exceptione nihil commodi retinet, ita quoque ab eo avertendum damnum ex hæreditate proveniens. cit. l. 2. §. 9.

3. Quod vero ulterius attinet ad effectum hæreditatis venditæ respectu emptoris, juxta probabiliorem, (quam tenent Bartol. in l. re conjuncti. ff. de legat. num. 26. Jason. in l. 2. C. de partis num. 9. Salicet. in l. unic. C. quand. non petent. partes. num. 15. Decius ibid. in. 2. lectur. num. 43. Guttier. in repet. cit. l. unic. num. 60. Gomez. l. 1. var. c. 10. num. 44. Cujas. l. 12. obs. 3. Fachin. l. 10. controv. c. 3. Vasquius de jur. accresc. l. 3. §. 21. num. 65. & alii apud Castrop. loc. cit. num. 6. sis inherentem. item Lauterb. l. c. §. 9. id verissimum dicens) jus accrescendi (dum; v. g. Titius similis cum Cajo institutus hæres à Sempronio partem suam vendidit; qua venditione facta, Caius hæreditatem repudiavit aut alio modo defecit) regulariter non censetur venditum, sed est & manet apud venditorem Titium, & non transmittitur in emptorem. portio siquidem hæreditatis debita uni coharedum, eo repudiante illam, aut aliter deficiente cedit alteri coharedi, qui hæreditatem adiit. l. 9. ff. de suis & legi. hered. l. 31. & 53. ff. de acquir. vel omitt. hered. ubi qui semel ex aliqua parte hæres extitit, deficientium partes etiam invitus excipit &c. & sic semper jus accrescendi sequitur adeuntem hæreditatem, idque, etiam si ipse suam portionem alii præstiterit seu cesserit. l. 43. ff. ad SC. Trebell. jam vero parte hæreditatis vendita, licet vendor res & actiones, quæ ex portione vendita ad ipsum pervenerunt, cedere & tradere teneatur, ipsi tamen est & manet hæres. l. 4. §. fin. ff. si quis omitt. caus. test. & jus hæreditarium in alium transferre, emptore non habente portionem hæreditariam, sed

res hæreditarias singulares tanquam emptas pro certo pretio. Lauterb. cit. §. 9. & ex eo Muller. loc. cit. ib. 70. Lit. β. Ad hæc venditor eam tantum hæreditatis portionem vendidit, quanta ipse tempore contractus aditione quæsitam habuit, eaque tantum quæ huic portioni adhærent, & quæ ex hac portione vendita tempore contractus ad eum pervenerunt, præstare tenetur. Et consequenter venditio & inde contracta obligatio, præscindendo à speciali legis alicuius constitutione & contrahentium intentione, ad ea, quæ post venditionem eidem ratione alterius partis hæreditatis obvenerunt, extendenda non erit. Castrop. Muller. LL. cit. Lauterb. §. 10. ubi etiam addit, fore iniquissimum, venditorem, qui fortè sextam hæreditatis partem vendidit, pretiumque illius valori proportionatum accepit, potesta cogi pro eodem pretio adhuc aliam & fortè longè maiorem portionem, de qua contractus tempore non cogitavit, in emptorem transferre. Oppositorum nihilominus, nimirum jus accrescendi transmitti in emptorem, quod probabile censem Castrop. Tenent apud illum Bartol. Villalob. Curtius Jun. Duaren. & plures alii apud Muller. loc. cit. quorum argumenta proponit ac diluit Castrop. loc. cit. num. 7.

4. Effectus vero primarius emptionis & venditionis hæreditatis respectu emptoris est, quod licet is ex ea ius hæreditarii non consequatur, seu non fiat hæres & successor universalis Arg. l. 2. C. de hered. & act. vend. Lauterb. loc. cit. §. 14 neque etiam exinde ante cerum hæreditariarum consequatur earum dominium. l. qui tibi. & l. 6. C. eod. Donell. ibid. num. 1. Perez. num. 5. Castrop. loc. cit. num. 4. sicut illud sine ea ex privilegio l. cum heredes. ff. de acquir. possess. & l. hereditas. ff. de reg. Jur. transit in hæredem, utpote universalem successorem; attamen vicem hæredis obtinet. l. 2. §. 18. ff. de hered. & act. vend. & in effectu neque minus, neque plus juris habere debet, quam apud hæredem futurum esset. cit. l. 2. Lauterb. cit. §. 14. si quidem venditorem sibi obligatum & adversus eum actionem habet ad omnes res hæreditarias & actiones cedendas. cit. l. 2. §. 3. & 8. Donell. ad l. 4. C. eod. num. Lauterb. l. c. & §. 5.

#### Quæst. 271. Res propria emptoris an & qualiter eidem vendi possit?

R Esp. negativè, estque emptio & venditio illa ipso jure nulla, sive scienter, sive ignoranter facta. l. cum res. l. sua ff. & l. mater. C. de contrah. empt. De Lugo. de J. & J. d. 26. f. 2. num. 18. Lauterb. cit. tit. §. 22. cum rei, cuius dominium quis habet, dominus fieri amplius nequeat. ac proinde pretium, quod emptor ignorans solvit, repertit condicione indebiti; secus, si sciens solvit; cum tunc donasse presumatur. Lauterb. loc. cit. competit quoque ei actio de dolo malo contra emptorem dolii gnarum, ut idem cum Brunnen. cent. 2. decis. 88. si autem res pro parte tantum fuerit emptoris propria, emptio pro ea tantum parte est nulla. l. 18. ff. de contrahenda emption. Lauterb. loc. cit. Unde etiam validè quis emere poterit jus aliquod, quod alius in ejus re propria habet; v. g. usumfructum. l. 16. ff. cit. tit. aut etiam quod quis ad eam habet aut se habere prætendit. l. 34. ff. & l. 4. C. eod. aut etiam possessionem illius penes alium existentem. cit. l. 34. Brunnen. in l. cum res. num. 2. Perez. in C. cit. tit. num. 13.

Quæst. 272. An & qualiter res aliena vendi possit?

**R**Esp. Res aliena valide venditur, quamvis ejus dominum non transferatur in emptorem. *L. rem alienam ff. de contrah. emp. de Lugo. l. c. num. 18.* ad emptionis enim essentiam non requiritur translatio domini. *L. sita. §. 1. de contrah. emp.* modò tamen ut Idem cum Molin. *d. 327. §. observandum tamen juxta L. si in emptione. §. item si emp.* alter ex contractibus ignoraverit esse alienam, quanvis Lauterbach. *loc. cit. §. 21.* teneat contrarium, dum ait: venditio rei alienæ valet, etiam si vendor sciverit rem alienam esse, quod etiam verum esse creditur, licet emptor quoque hoc non ignoraverit. Arg. *l. 28. ff. b. t.* Idemque, nempe emptionem rei alienæ, saltem non furtivæ, esse validam, et si utrique contrahentium aperte constet esse alienam sentiunt Haunold. *de J. & J. tract. 10. controv. I. num. 107.* Lopez, citati à Reiffenst. *b. t. num. 91.* quietiam iisdem annumerat Molin. *d. 127. num. 6.* qui hac ratione moventur, quid *l. 28. ff. de contrah. emp.* statuatur absolute & generaliter absque ulla distinctione, an contrahentes sciant vel ignorent rem esse alienam, de cetero quid ad hoc nullo facto discriminare inter rem alienam furtivam, & non furtivam ut idem de Lugo. Si vero emptor solus scivit vitium, non quidem invalida est venditio, ut de Lugo. cum Molin. & Less. contrarium expressè tenete Castr. *rr. 33. d. 5. p. 18. num. 12.* & Reiffenst. *l. c. num. 92.* Non tamen tenetur vendor ad standum contractui, neque de evictione. de Lugo. *l. c. Arg. cit. §. si & emp.* Ad quam tamen præstandam emptori clementi bona fide tenetur vendor, sive sciverit, sive ignoraverit esse alienam; cum rei, quam quis vendit, conditionem quisque scire teneatur ac præsumatur. Item sive de evictione præstanta inter contrahentes convernit, sive non. *L. non dubitatur. C. de evit.* Wiestner. *b. t. n. 79. & seq.* verum de evictione ex professo inferius.

Porro effectus valida venditionis rei alienæ est obligatio, quia vendor, et si sciat rem esse alienam obligatur ad eam tradendam (non enim illicita est hæc traditio, quin & mandata per leges, peracta, licet illicita emptione; & hinc quid ad eam rationabiliter invitum esse nequit dominus rei, ut Haunold. *loc. cit. num. 122.* Wading. *de contract. d. 7. du. 3. §. 1. num. 4.*) emptor vero ad tradendum pretium, pro ut hæc utrumque contracta obligatio constare videtur ex *l. 38. ff. de contrah. emp. juncta l. 11. si ex emp. de act. emp.* Alter effectus est, quid et si dominum rei aliena vendita non transferatur in emptorem, ut constat ex *cit. l. 11. & L. rem alienam. de contrah. emp. l. 6. C. dereb. alien. non alienand. cum juxta Reg. 79. jur. in 6.* Nemo plus juris transferre possit in alium, quam sibi competere dignoscatur; transferatur tamen in venditorem dominum pretii pro re furtiva vendita traditi juxta *l. 15. & L. qui vos. §. fin. ff. de act. emp.* Cum, ut ibidem dicunt: quid ex re furtiva redigitur, furtivum non esse nemini dubium sit, adeoque nummus redactus ex pretio rei furtiva furtivus non sit &c. Unde etiam talis vendor pecuniæ ex venditione rei furtivæ accepta emens aliud quid, acquirit tam ipse dominum rei emptæ, quam vendor illius accepta pecuniæ. Molin. *d. 327. n. 7.* Laym. *l. 3. rr. 4. c. 17. §. 3. num. 21.* Item effectus illius est, quod nihilominus traditione rei emptæ secula si quis pecuniæ fur-

tivæ seu non sua emit rem, illius dominium transit in emptorem. *l. 1. & penult. C. signis L. si ex ea. C. de R. V.* Secus tamen, si emerit pecuniæ ecclesiæ. *Can. 1. can. 12. quæst. 3.* Laym. *loc. cit. num. 22.* Covar. *l. 3. var. c. 3. num. 6.* Molin. *d. 127. concl. 2.* Quo dominio tamen non obstante, emens manet obligatus ad resarcendum omne damnum & lucrum cessans ei, à quo pecuniæ abstulit, ut etiam vendori, casu quo ab eo pecuniæ evinatur. Pretium tamen non transit in dominium vendoris, sed tenetur is illud comparenti domino restituere, nisi illud jam præscriperit, aut bona fide consumplerit. *L. si alius. ff. de solutio.* vide Reiffenstuel. *b. t. num. 115.* Item effectus illius est, quid et si non transferatur in emptorem dominum rei alienæ vendite, transferatur tamen in eum, ubi bona fide emit, conditio eandem usurandi, ut hic eam licite habeat, & legitimo tempore, durante bona fide possessam præscribere valeat. Wiestner. *l. c. num. 77.* Currente autem hoc tempore, vero domino rei vindicante illam, emptor repetere potest à venditore pretium, quo res inter contrahentes fuit æstimata, nulla habita ratione augmenti aut decrementi, sed tantum spectato statu contractus & appretiationis eo tempore factæ. Petere insuper poterit interesse, quanti præter pretium pro re expositum interest emptoris rem evictam non esse, ut & compensationem omnium dannorum inde acceptorum. *l. 1. & si vendor. ff. de evit.* Wiestner. *l. c. n. 78.* De cetero emptor tenetur illico rem bona fide emptam restituere domino illius, si is ante completam præscriptionem eam evincat, seu suam esse sufficienter demonstret. juxta clarum textum. *L. mater. & L. adversus. C. de R. V.* Idque, etiam si dominus emptori pro pretio exposito nihil refundat. *cit. L. mater.* Licet quid ei à domino gratis offertur, licite recipiat. Nisi tamen emptor modico pretio rem furtivam emerit et intentione, ut eam domino, qui eam alias omnino non, vel non sine majoribus expensis recuperasset, restituat, in eo enim casu, quia utiliter gessit negotium domini, poterit justè refusionem pretii à domino petere, & hic ad refundendum illud ex integro tenetur, pro ut cum communi docent Molin. *l. c. num. 2.* Laym. *l. c. num. 26.* Sylv. v. *refutatio. 3. quæst. 7.* Reiffenstuel. *b. t. n. 101.* Nisi forte talis emptor ex dicta intentione rem emisit à fure æquali vel majore pretio, tunc enim dominum non teneri ad refusionem totius pretii, sed ad aliquam ejus partem, iudicio prudentum taxandam, assentit Reiffenst. *l. c. ex Lessio.* Tenetur quoque emptor Domino restituere omnes fructus illius, tam adhuc existantes, quam consumptos, quos à tempore cognitæ rei alienæ, vel etiam antea consumptos, si exinde factus est ditior, & hoc in utroque foro. Reiffenstuel. *num. 102.* cum communi. Nequaquam vero posse emptorem, etiam fidei bone, restituere rem alienam vendori, à quo scit eam non restituendam Domino, idque etiam, dum scit reddendum sibi à venditore pretium, non vero à domino, tanquam probabilius tenent. Molin. *d. 722. per tot. Covar. in regul. pecatatum. p. 3. num. 3.* Laym. *l. 3. tract. 4. c. 17. §. 3. num. 7.* Castr. Sot. Cajet. quos citat & sequitur Reiffenst. *b. t. n. 105.* contra Nav. *in man. c. 19. num. 9.* Less. *l. 2. c. 24. du. 3. num. 14.* Sylv. v. *refutatio. 3. quæst. 7.* Vasq. Angel. &c. hoc nixos fundamento; quid dominus rei non possit esse rationabiliter invitum, si emptor rem restituat in pristinum statum, reddendo eam furi seu venditoris.

tori, ut se servet indemnum recipiendo ab illo pretium; cum nemo teneatur rem alienam cum proprio damno redigere ad meliorem statum. Quod posterius etiā admittant adversarii, negant tamen cum Molin. posse aliquem rem alienam extrahere ex illo statu deteriore, in quo fuit, ac deinceps in priorem statum cum damno domini rationabiliter inviti eandem collocare, ne alia dicendum, idem posse emptorem malafidei, de quo tamen id negant posteriores hi AA. Fundamentum vero prioris sententiae est; quod si dominus repeat ab emptore rem ei venditam, is eam restituere teneatur, & a Judge ad hoc compelli possit, etiam si, ut dictum, nihil ab eo recepturus; adeoque ad idem teneatur, dum dominus eam non repetit, vel quia non fecit, ubi ea sit, vel quia non potest eam vindicare ob deficientes probationes; cum talis non petitio dominii sit omnino per accidens respectu obligationis restituendi, utpote non fundata in petitione domini, sed in ipso iure, quod dominus ad rem suam haberet. Nihilominus potest his non obstantibus, ut habet communis, emptor bona fide rem restituere venditori, ubi prudenter judicat nullum inde damnum oriturum domino; eò quod venditor ipse sit sponte restitutus, vel dominus ab eo rem suam facile & sine incommmodo consequi possit. Molin. l.c. num. 1. apud Reiffenstuel. num. 111. qui etiam cum eodem num. 3. & Covar. loc. cit. addit emptorem bona fidei, postquam rem bona fide restituit venditori, putans id sibi licere ad recuperandum pretium, ad nullam amplius teneri restitutionem faciendam domino, etiā si ex eo damnum patiatur. Ut etiam, si Cajus rem bona fide emptam rursus bona fide vendat Titio, dominus nihil a Cajo prætendere potest, sed a Titio, hic tamen privatus equo per evictionem, actionem habet contra Cajum, & hic contra venditorem, pro quo Reiffenstuel. num. 113. citat Covar. Laym. Sanch. Sylv. Qualiter de cetero & quando teneatur venditor ad restitutionem domino faciendam ob venditionem rei alienae. vide apud de Lugo de J. & J. d. 17. f. 1.

*Quæst. 273. An res litigiosa vendi possit?*

R Esp. Tametsi hodiecum rem litigiosam vendi posse salvo jure tertii, afferat Struv. exercit. 46. th. 51. apud Muller. tit. de contrah. emp. th. 27. lit. 3. rem tamen propter vitium litigiosi ei inhærens vendi non posse juxta l. 1. & fin. C. de litig. cum communi tenet Lauterbach. ad tit. de contrah. emp. 18. quanvis addat, citatis pro hoc cit. l. 1. & fin. Franzk. cit. tit. à num. 145. venditionem illius non ipso jure, sed per exceptionem rei litigiosae annullari. Et constat ex toto tit. ut lite pendat. ubi quæst. 471. dixi, rerum litigiosarum alienationem prohibitum esse, & ipso jure nullam, vel per Judicem irritandam. item quæst. 470. num. 2. quod lite pendente super onere rei imposito aut ejus possessione possit alienari unā cum isto onere, & proprietatem sine possessione: item quæst. 471. num. 2. varios adduxi casus, in quibus rerum litigiosarum alienatio valida & licita. quæ vide.

*Quæst. 274. An res dotalis vendi possint?*

R Esp. Fundus dotalis vel alia res immobilis ab

uxore allata marito ad supportanda onera matrimonii alienari nequit. L. fundus. ff. de fund. dorat. Sic quoque rem donatam uxori propter nuptias, seu in compensationem & securitatem dotis maritus alienare, adeoque nec vendere potest aut hypothecare seu nomine hypothecæ obligare, etiā mulier consenserit, & juri suo renuntiarit; eaque venditæ competit mulieri in rem actio, seu utilis rei vindicatio. Auth. five à me. C. ad SC. Veltejan. Pith. b. t. num. 41. Wiestner. num. 74. Nisi jurasset se suæ renunciationi non contraventuram, ut Wiestner. citatis C. cum contingat. de jurejur. & c. licet. eod. in 6. Vel nisi post exactum biennium uxor deinceps alienationi, & quidem eo consenserit in scriptis dato, sintque in bonis mariti res alia, quibus indemnitatæ mulieris sufficienter cautum sit. cit. Auth. & Auth. ut immobilia ante nuptial. donation. §. & sanctius. coll. 5. ejusmodi autem geminatum consensum intervenisse, ex lapso 30. annorum, quibus mulier non contradixit, neque rem donatam propter nuptias repetivit, presumitur. Arg. c. per venit. b. t. Pith. loc. cit. citans Mascard. de probat. concil. 371. num. 92. quemadmodum istiusmodi solennitates extrinsecas ad alienationem necessarias intervenisse & tali temporis lapsu recte presumi ait Abb. in cit. c. per venit. n. 7.

*Quæst. 275. Num res hypothecata vendi possit?*

R Esp. Res in hypothecam tradita vendi potest ab eo, qui eam in pignus dedit, dominiumque illius unā cum hoc onere ei inhærente transferri in emptorem, nisi adjectum esset pactum de ea non alienanda. l. 7. §. fin. de distract. pignor. Covar. l. 2. var. resol. c. 15. num. 3. Tiraquell. de retract. corvent. §. 3. gl. 1. num. 6. quos citat & sequitur Struv. in ff. de contrah. emp. th. 26. lit. π. & ibidem Muller. qui tamen lit. 5. addit, excutendum tertium possessorem hypothecæ, nisi prius debitoris bona excussa sint juxta Auth. hoc ita C. de pignor.

*Quæst. 276. An & qualiter quilibet Condominorum ejusdem rei partem suam vendere possint?*

R Esp. Quamvis de sua parte regulariter quilibet condoninorum quandoque disponere, adeoque & eam vendere, posse juxta l. 1. & 2. C. commun. divid. & l. 68. pro socio. idque etiam socio invitato, regulam esse dicat. Muller. ad tit. de contrah. emp. th. 26. lit. n. cum Struv. citans pro eo Perez, in Cod. cit. tit. &c. Nihilominus aliquem ex pluribus condoninis certam, quæ demonstrari possit rei communis pro indiviso partem alienare non posse, eò quod solus non sit dominus certæ partis in re communis, sed singuli condoninorum æquale jus obtineant in unaquaque rei communis parte, assentit Idem cum Besold. conf. 49. num. 3. &c. etiā partem suam pro indiviso condoninis vendere non prohibetur. l. 13. §. 17. ff. de act. empti. cit. l. 68. ff. pro socio. l. 1. & 2. C. comm. divid. ut Mull. citatis Mynting. Gratian. &c. Sed neque, dum alii potest suam partem ex re communis vendere etiam aliis, poterit adhuc eidem imponere servitatem. l. 6. §. 1. ff. comm. divid. Mull. loc. cit. Ficuum quoque vendentem rem communem posse ex privilegio sibi competente rem pro modica parte suam, & ita communem in solidum distrahere, salva

tamen manente parte pretii condomino juxta l. 2. C. de comm. rer. alien. & L. unic. C. de vendit. rer. fiscal. habet Muller. L. cit. lit. v. vide de his pluribus legistas ad tit. comm. divid.

*Quæst. 277. Quæ sint præterea, quæ vendit nequeant ex speciali ratione, aut etiam certis personis?*

1. **R**esp. primò: Vendit prohibentur ratione scandali oritur emptori, dum re empta abusurus est ad peccatum, de Lugo. cit. d. 26. f. 2. num. 19. Addens, quod nihilominus in eo casu venditio sit valida, & pretium à venditore retineri, imò ab eodem re tradita exigiri possit ab emptore, si res venditori non restituatur.

2. Resp. secundò: Prohibetur quoque venditio venenati, hoc est, quod nullo modo adjectio alterius materia usui nobis esse potest: Secus est de veneno, quod mixtum aliis nocendi naturam deponit, prò ut statuitur. L. quod sepe. §. 2. ff. de contrab. empt. Nihilominus licet venena quædam in usum quoque bonum adhiberi possint, ob peri-

culum tamen abusus quibuslibet indifferenter hominibus, notis & ignotis, pueris, fatuis, ineptis, & contra quos est præsumptio nocendi, vendi prohibetur à pharmacopolis, & in Rebus publicis bene constitutis plures salutares iis præscribuntur ordinantia circa hanc veneni venditionem servandæ de quibus videri potest. Muller. l.c. Th. 27. lit. a.

3. Resp. tertio: Prohiberi etiam possunt & solent quandoque merces certæ, quarum alias commercium licitum est, ne expòtentur ad exteros illisque vendantur, quæ ex inde dicuntur contrabandæ. quod nomen unde deriveatur, vide apud Muller. l.c. lit. u. Sic etiam Christiana mancipia Iudæis & hereticis vendi prohibentur. L. unic. C. ne Christian. mancip. & ibi Brunnen. Sunt & multa alia, quæ legibus civilibus vendi prohibentur, de quibus vide Azor. Tōm. 3. l. 8. c. 3. quorum tamen omnium prohibitio non videtur amplius esse in usu. Licet autem venditio aut delatio armorum & aliorum ad Christiani nominis hostes sit prohibita in Bulla Cœnæ talisque prohibitio sit in usu, putat tamen de Lugo loc. cit. num. 20. eam non esse inviadam.

## CAPUT QUARTUM.

De

### Pretio Rerum Venalium.

*Quæst. 278. Quid sit pretium & in quo consistat?*

1. **R**esp. ad primum: Pretium tametsi late sumatur pro omni eo, quod aliqui datur in compensationem vel remunerationem aliquicunque ab alio accepti vel præstati. Arg. l. 37. ff. de minor. l. 29. §. 2. ff. ad Leg. Jul. de adulti. atque ita etiam, quod datur in causa transactionis, pretium dicatur. l. 6. §. 3. ff. de brs qui infam. not. Quin & merx, quæ in contractu permutationis pro merce datur, in hac latissima significatione dici possit pretium. Strictè tamen sumptum, pro ut est substantiale constitutum contractus emptionis & venditionis (qui quia olim in usu non erat, dum tantum contractus permutationis exercebatur, nullum quoque pretium constitutum erat. Aristotel. I. politic. c. 6. & l. 1. ff. de contrab. empt. Castrop. tr. 33. d. 5. p. 2. num. 1.) est illud, quod in emptione ex parte emptoris pro re seu merce venali promittitur. Sumitur ex §. 2. Inst. b. t. Lauterbach. in ff. b. t. §. 28. Dicitur primò: illud: intelligendo per hoc non mercem (quia cum merx pro merce datur, est alius contractus, nempe permutationis, etiam si contrahentes emptionem nominent; cum partes non possint mutare contractuum substantiam Lauterbach. loc. cit.) sed aliquid, quod jure gentium inventum, ex publica autoritate valorem habens, quod reliqua omnia comparari possunt. Castrop. loc. cit. Unde etiam pretium non dicitur estimationem, ut Castrop. sed potius illud, quo res vendenda estimatur. l. 16. ff. de pignor. ut Lauterb. l. c. Dicitur secundò: quod promittitur: non enim requiritur ad efficiendum contractus emptionis, ut illico detur seu solvatur pretium, sed sufficit promitti. l. 2. b. t.

2. Resp. secundò: Consistit pretium in num-

mis seu pecunia. l. 1. ff. b. t. ubi etiam pecunia origo narratur. Lauterbach. l.c. Muller. l.c. lit. a. Siquidem illud, quod tanquam instrumentum stabile commutationum & commerciorum, etiam inter longe diffitos exercendorum, & loco rerum aliarum in permutationibus adhibetur solitarum, deportatum de loco in locum saepe difficultum defervire debebat, tale esse debebat ut facilem sui & commodum usum praberet, quodque homines communis quadam opinione & consensu adamarent, cujusque estimatione publica autoritate constituta omnem in negotiationibus contentionem dirimere, quale quid est pecunia. de quo vide Aristotel. l.c. Unde jam etiam cum Mantic. & aliis deducit Lauterbach. §. 41. quod, si quis pro re promitteret pecuniam à Principe reprobata, non fore emptionem, sed si accederet traditio, innominatum contractum; eo quod nummus sit materia habens certam & publica autoritate impositam estimationem, quæ valor seu bonitas extrinseca dicitur, sine qua subsistere nequit, adeoque nec habere rationem pretii. Et quidem consistit pretium in pecunia numerata, seu nummis ad numerum solvendis. cit. l. 1. ff. & §. 2. Inst. b. t. AA. cit. Quatecumque appenditur aurum in certo pondere. V.g. Duæ unciae pro merce, non tam pretii quam mercis loco censetur, & non dicitur emplio, sed permutatio. Lauterbach. loc. cit. cum Maul. tr. de emp. & vendit. tit. 4. à num. 17. Quod si vero res & pecunia simul pro merce promittitur animo contrahendi emptionem. V.g. pro equo bos & 2o Imperiales, contractus sustinetur tanquam emptio & venditio, & res instar additamenti habetur, & in partem pretii venit. Arg. l. 6. §. 1. & l. 21. §. 4. ff. de A. E. V. Lauterbach. loc. cit. §. 39. citatis Mantic. de tac. & ambig. convent. l. 25. tit. 2. à n. 2. Carpzov. p. 2. const. 32. def. 15. Mudæ. adl. 7. §. 1. & l. 37. ff. b. t. num. 9. &c. Idque etiam res excedat